

ჩვენი

დროშა

"NOTRE DRAPEAU"

დამაარსებელი — ნოე ჟორდანიას

№ 100

პ ა რ ი ზ ი

ი ვ ლ ი ს ი

1 9 8 3

შ ი ნ ა ა რ ს ი

ოცდაექვსი მაისი;

რას დღესასწაულობენ!

ეროვნული გლოვის დღე;

საქართველოს დაპყრობის წლისთავი;

ნოე ჟორდანიას გარდაცვალებიდან 30 წლისთავი

წერილი საქართველოდან;

რას სწერდნენ...

„მტრობა ენის არს მტრობა ქვეყნის“;

26 მაისი პარიზში. წერილი სოშიოდან;

ნეკროლოგები, ჩვენი ფონდი და სხვა.

ლ. ფალავა.

კ. ინასარიძე


გ. ნაკაშიძე.

ლ. ფ.

ჩვენებური

დამსწრე





ნ. ი. ჯორჯია

PRESIDENT N. JORDANIA

1868 - 1953

26 მ ა ი ს ი

26 მ ა ი ს ი ქართველი ერის დამოუკიდებლობის გამოცხადების და როგორც თავისუფალი ერის საერთო-შორისო ასპარეზზე გამოსვლის დღეა. ამ დღეს დაიწერა და გამოცხადდა საქართველოს დამოუკიდებლობის აქტი, რომელიც რაც დრო არ უნდა გავიდეს, ის დარჩება ნუ-დამ სასახელო, საამაყო ყოველი ქართველისათვის.

მოსაწონია ჩვენი წარსული, ძვირფასია ჩვენი ისტორია, საესეა იგი სახელოვანი შემოქმედებით, საარაკაა ეპიზოდებით, მაღალი განცდებით და გმირიული ბრძოლებით.

26 მაისით ქართველმა ხალხმა დაამტკიცა თავისი პოლიტიკური სრულწლოვანობა, მისი სახელმწიფოებრიობა, და თავისთავის პატრონობისათვის სრული მომზადებულობა. ჩვენ ვდღესასწაულობთ ამ დღეს, ვდღესასწაულობთ ჩვენს დაბადებას, ჩვენს სახელმწიფოს, ერთ აღდგენას ჩვენს პოლიტიკურად მკვდრეთით აღდგენას.

საქართველომ საყოველთაოდ და ყველასავით აშკარად დაამტკიცა, რომ ის თანამედროვეერია, თავისუფლების სულითა და გულით მოტრფიალე და ის მტერია მონობისა და ძალმომრეობის მთელი თავისი არსებით.

26 მაისის დიადი მნიშვნელობა იმაშია, რომ ამ დღეს, ქართველი ერი თვალს ავლებს მის ახლო წარსულს, ამწყოსს და მომავალს, უკეთებს ჯამს მის საგმირო საქმეებს და ემზადება სხვა უფრო დიდ საგმირო საქმისათვის, რადგან ბრძოლით მოპოვებული თავისუფლება 1921 წლის თებერვლში, ჩრდილოეთიდან მოსულმა დამპყრობელებმა ბოლშევიკური დიქტატურის სახით ქვეყანას ძალით წაართვეს, რის გამოც **26 მაისი** გახდა, არა მარტო ჩვენი დამოუკიდებლობის, არამედ ჩვენი ერთობის დღეთ, რადგან არ არის თავისუფლება ეროვნული ერთიანობის გარეშე.



ეროვნული თავისუფლების დასაცავად საქართველომ, მეთვრამეტე საუკუნეში დაუახლოვდა რუსეთს. ვიციტ თუ რა ვერაგობით დამთავრდა ეს დაახლოება, რადგან რუსეთმა დაიპყრო საქართველოს მიწიწყალი, გააუქმა სასიცოცხლო ეროვნული სულის მიმცემი წეს - ადათები და გაამეფა სამარცხვინო ძალმომრეობა - თვითნებობა. ახალმა რუსეთმა არც განახლებული 26 მაისის საქართველო დაინდო და წითელმა ჯალათებმა მცირეოდენი ქართველი მოღალატეების წინამძღოლობით 1921 წლის 25 თებერვალს, მიუხედავად 1920 წლის 7 მაისის ხელშეკრულებისა, თავზე ქურდულად თავდასხმით მოახდინა საქართველოს სრული სამხედრო ოკუპაცია.

ქართველი ხალხი, ძალით თავზე მოხვეულ რეჟიმს წინ აღუდგა, აქტიური თუ პასიური წინააღმდეგობით, უხეშ ძალას თავგანწირვით დაეტაკა, ბრძოლა გრძელდება, ფიზიკური ქრილობა გაივლის. საქართველომ დაამტკიცა რომ ის მორალურად ცოცხალია, ის სულიერად არ მომკვდარა და არც მოკვდება. 26 მაისის თავისუფლების დროშა მის გულში ღრმად მარხია.

მოსკოვი თავის აგრესიულ სახეს ვეღარ მალავს, მისი იმპერიალისტური ზრახვები საყოველთაოდ გამოაშკარავებულია, მისი იზოლიაცია თანდათანობით ძალაში შედის.

ქართველი ერის ნებისყოფა ურყევია; ის მომავალს იმედით ასხივოსნებს და გამარჯვებაში დარწმუნებულია. კარგად იცის — ტირანია დაემხო, ერი აღსდგება, დამოუკიდებელი რესპუბლიკა აღორძინდება..

გაუმარჯოს 26 მაისს —

გაუმარჯოს თავისუფალ საქართველოს.

— შიშის ძაბვებზე მიიძაპირებული იმპერიალისტული მოსკოვი იმედი უკლებს არა კვლავ ისინი მან ეზონე მის ძალებს მაკეთებ, იმედი მიბოიბე იმედი ეგნება, მიბოიბე ეგნება ეგნება მიბოიბე იმედი ეგნება, მიბოიბე ეგნება



„ქეშმარიტი მეისტორიე, ვითარცა გამკითხველი, იმ დროების ქერქში უნდა ჩაჯდეს, და მერე განიკითხოს თვით დროების შვილნიცა“.

ილია ჭავჭავაძე.

რუსეთის იმპერიის, და ქართლ - კახეთის სამეფოს სახელმწიფოებრივი პოლიტიკური ხელშეკრულება, გეორგიევსკის ტრაქტატის სახელწოდებით არის ცნობილი.

უკვე 182 წელზე მეტია, რაც რუსეთმა ცალმხრივად დაარღვია ე. ი. იმ დღიდან, როდესაც რუსეთის იმპერიის სახელმწიფო სენატის გადაწყვეტილების საფუძველზე იმპერატორმა ალექსანდრე პირველმა თავისი მანიფესტით 12 სექტემბერს 1801წ. აღიარა და მოახდინა სრული ანექსია ქართლ - კახეთის სამეფოსი, და გამოაცხადა რუსეთის სახელმწიფოს ნაწილად. ეს ისტორიული დოკუმენტი სურათად მოასვენონ დღის სინათლეზე ვით გარდამოხსნა მის გარშემო გამართულ სადღესასწაულო საზეიმო მორთულებაში აღიპრონ ის ყოველ დროისთვის, რუსეთის იმპერიის მშვიდობიანობის უკვდავ ისტორიულ ძეგლად, და ამით გახადონ კაცობრიობის საერთაშორისო უკვდავ საგნად. საბჭოთა იმპერია დღეს თავის შინაურ, და საგარეო მდგომარეობის კარნახით მიზან შეწონილად სცნობს უჩვენოს და განუმარტოს მსოფლიოს წარსული ეპიზოდების ფაქტებით, რომ ყოველდროის რუსეთის სახელმწიფოს, თავის წარმოშობის დღიდანვე ამოქმედებდა თანდაყოლილი კეთილშობლური ბუნება, რომელიც უაღრესად განსხვავდებოდა, და ამ უამთაც განსხვავდება ინგლისის ამერიკის და ევროპის სახელმწიფოს იმპერიალისტური და კოლონიალური პოლიტიკის გულშემზარავი ბოროტებისაგან. რუსეთი როგორც წარსულ საუკუნოებში იყო მართლმადიდებელი ქრისტიანული ერების კეთილ სინდისიერი დამცველი, ასეთივე დარჩა მეოცე საუკუნის მეორე

ნახევარშიდაც მოძმე ერების:დმი ბოლშევიკური კომუნი-
ზმის ბარიკადებზე, რომ მათივე თხოვნით უზრუნველ
ჰყოს მათი ეროვნული თავდაცვა; იპერიალისტურ - კაპი-
ტალისტურ ქვეყნების თავდასხმის:გან, და მუქარისაგან.

დღეს ამ ორგვარი სახის რუსული იმპერიალიზმის ე. ი.
იმპერატორის და საბჭოთა იმპერიალისტების ბრძანებით,
გიორგევსკის ტრაქტატის მომავალ ბალ - მასკარადის რე-
ჟისორობა დაკისრებული აქვს ბატონ ედ. შევარდნაძეს.
ეს ისტორიული დოკუმენტი ტრაქტატის სახელით ცნობი-
ლი არის რუსეთის სახელმწიფოს, და ქართლ - კახეთის
სამეფოს პოლიტიკური ხელშეკრულების აქტი, რომე-
ლიც ხელმოწერილი იქმნა ორივეს მხრიდან, იმ დროინ-
დელ გიორგევსკის ციხე-სიმაგრეში, 24-7-1783 წ. (4 აგვ-
ახალი სტილით.) რუსეთის სახელმწიფოს მხრით ხელსა-
წერს გენერალი პეტროვიჩი, ქართლ - კახეთის სამეფოს
სახელით ივანე მუხრან ბატონი, და გარსევან ჭავჭავაძე,
რომელიც დამტკიცებული იქნა ერეკლე მეფის ხელმოწე-
რით, და ბეჭდის დასმით ქ. თბილისში 1784წ. 24 იანვარს.
ტრაქტატის ტექსტი შესდგება 13 ძირითადი და 4 საიდუ-
მლო მუხლიდან.

მეცხრამეტე საუკუნის დასასრულს, ზოგიერთი ავტო-
რიტეტი.ნი მკვლევარები, და კომენტატორები იმ დროინ-
დელი მდგომარეობის და ისტორიული საბუთების შედე-
გად მიდიან ერთგვარ დასკვნამდის: ქართველი მეფეები
დაჟინებით ეძებენ რუსეთის მფარველობის ქვეშ შესვლას.

რომ გავერკვეთ თუ რა იყო მთავარი მიზეზები ამ დაჟი-
ნებულ სურვილთა წარმოშობის, ამისათვის აუცილებე-
ლია ნათელი წარმოდგენა გვქონდეს მე 18 - ტე საუკუნის
მეორე ნახევრის საქართველოს შინაურ და საგარეო მდ-
გომარეობის შესახებ. ჩვენი ისტორიიდან ცნობილია, რომ
მე 15 - ტე საუკუნის დასაწყისიდან საქართველოს სახე-
ლმწიფოს მთლიანობა როგორც ასეთის დაიშალა, და და-
იყო სამეფოებად და სამთავროებად. განუწყვეტელმა შე-
მოსევებმა გარედან, ფეოდალურ თავდათა სამი საუკუნის
განმავლობაში ერთმანეთონ ბრძოლებმა, და გარეშე მტ-

რის დახმარებით საკუთარი მეფის წინააღმდეგ ლაშქრობამ, მუდმივ შინაურ ბრძოლებმა, და ანტი ეროვნულ პოლიტიკამ, გამოიწვია ქვეყნის ეკონომიურ - პოლიტიკური მდგომარეობის უაღრესად დაცემა, დაქვეითება და თვით ერის ფიზიკური განადგურება. ასეთ უმწეო, უპერსპექტივო მდგომარეობაში არგუნა ბედმა ერეკლე მეორეს ქართლ - კახეთის მეფობა. ის თავისი საღი გონებით, და უძლიერესი ენერგიით შეება შინაური საქმეების ე. ი. პირველ რიგში სოციალურ - ეკონომიურ მდგომარეობის წესრიგში მოყვანას, და აღვირ ახსნილ თავადთა ალაგმას.

სახელმწიფოს შინაგანი წესრიგისათვის ბრძოლის დროს ერის დაუძღვრებულ ეროვნული ენერგია საკმარისი არ აღმოჩნდა მისი პრაქტიკული საქმიანობის განხორციელებისათვის. ყოველივე ამას თან წამოეწია ჩვენ თავადთა შეთქმულება ერეკლე მეფის წინააღმდეგ, რომელსაც პაატა ბატონიშვილი მეთაურობდა. მეფემ ეს შეთქმულება დროით გაიგო, შეთქმულნი სასტიკად დასაჯა, მაგრამ ერეკლე მეფე სათვადოებთან ბრძოლაში დამარცხდა, ყველა სახანოები წამოესიენ დაუძღვრებულ მეფეს და ერს. ირანის და ოსმალეთის გამუდმებული მუქარა მოსალოდნელი იყო მოულოდნელად განხორციელებულიყო.

ერეკლე მეფეს, რომელსაც ოთხმოცი ომი ჰქონდა გადახდილი, თავის გმირულ საძლიერით, ხალხში მითიურ გმირად იყო წარმოდგენილი, და მომავალ თაობებს წარუდგინეს პატარა კახის სახელით. მეფე ერეკლესათვის გარკვეული ქეშმარიტება იყო, გარშემორტყმული მუსულმანური სამყაროს დაუძღვრება; თუ ერი ყიზილბაშ ოსმალურ მონობაში ჩავარდებოდა, მას მოელოდა სრული ფიზიკური აღმოფხვრა - უანადგურება, ეროვნულ სარწმუნოებრივ გადაგვარება. მან საუკეთესოდ იცოდა ისლამურ გარემოცვაში ქრისტიანული ერის ბედი, თუ როგორ დაბოლოვდებოდა. მას სრული ქეშმარიტებით სწაღდა ერის ფიზიკური არსებობისათვის, ეროვნული სულის შენარჩუნებისათვის მართლმადიდებელ რუსეთთან დაკავშირება, და მფარველობა: „ქრისტეს ჯვარისათვის, ჯვარ

ცმულ ერის მეფემ ქრისტეს ჯვარისავე მმოსავი ერი მოიწვია საშველად და მფარველად“. ილია ჭავჭავაძე).

ერეკლე მეფე აშკარად გრძნობდა მოახლოებულ საშიშროებას, განსაკუთრებით იმ დროს, როდესაც ირანის შინაურ ბრძოლებიდან გამარჯვებული აღამახმადხანი შახის ტახტზე ოცნებობდა.

„საქართველოს წინ უკვე აისახა კრწანისის ველზე, წარმომდგარი აჩრდილი რომლისათვის დასახწვევი გზა ისევ ერეკლე მეორეს უნდა ეჩვენებინა, ამ გზას ის უჩვენებდა ერთ მორწმუნე რუსეთისაკენ, რომელზედაც ის კრწანისის ბრძოლის ტრალედიის შემდეგაც ურყევად იდგა“

შალვა ნუსტუბიძე.

ერეკლე მეფემ კარგად იცოდა, დიპლომატიაში კარნახობს ძლიერი და არა დავრდომილი ერი, რომლის ფიზიკური გადარჩენისათვის საჭირო იყო სამი მთავარი პირობა, რომლებიც წარმოადგენდნენ ეროვნულ განვითარების და მეობის საფუძვლებს, ეს ატრიბუტები იყვნენ „მამული ენა და სარწმუნოება“ (ილია ჭავჭავაძე). ამ შეგნებით გამსჭვალულმა მეფემ ხელი მოაწერა 1783 წლის ტრაქტატს. „რომელიც დაიდო ორ სუვერენულ სახელმწიფოთა შორის, 1783 წლის ტრაქტატი აბსოლიუტურად არ უსაზღვრავს საქართველოს სამეფოს მის შინაურ უფლებებს. მეექვსე მუხლის ძალით რუსეთი ღებულობს ვალდებულებას არ ჩაერიოს ქვეყნის შინაურ საქმეებში, და არ ღებულობს არაფითარ მონაწილეობას ხელისუფლებაში; არ აქვს ხმა არც სასამართლო უწყებაში, და არც სახელმწიფო გადასახადების აკრეფაში. ამავე მუხლით რუსეთი აღიარებს საქართველოს სამეფოს როგორც მოკავშირეს, და ღებულობს ვალდებულებას, რომ საქართველოს მტრებს ის სთვლის, როგორც მის საკუთარ მტრებს და მის დაცვას სთვლის სცალდებულოდ. ტრაქტატის დამატებით შეთანხმებაში დართულია, რომ რუსეთი პირობას აძლევს მეფეს, შემოუერთოს საქართველოს ის დაკარგული ადგილები, რომელიც მას წარსულში ეკუთვნოდა, საქართველო ტრაქტატის ძალით არ კარგავს უფ-

ლებას იქონიოს დამოკიდებულება უცხო სახელმწიფოებზე
თან, მაგრამ მისი უფლება განსაზღვრულია ე. ი. საქიროა
რუსეთთან შეთანხმება და მისი დასტური. ამავე ხელშეკ-
რულებით საქართველო ინახავს მის ინტერნაციონალურ
სახეს სახელმწიფოებრიობისას. (მუხლი მე IV ე) მე 12 ტე
მუხლის ძალით, რაიმე ცვლილების შეტანისათვის ტრაქ-
ტატში საქიროა თანხმობა ორივე მხარის (ლეფური.—სა-
ქართველო და მისი უფლება“ ფრანგულ ენაზე. ინტერნა-
ციონალურ უფლებათა პროფესორი. - პარიზი 1932 წ.

რუსეთმა რამოდენიმე წლის შემდეგ ცალმხრივად, მიუ-
ხედავად მე 12 ტე მუხლისა სრულიად უმიზეზოდ დაარ-
ღვია ხელშეკრულება და ანექსია გაუკეთა საქართველოს
სამეფოს, რომელიც გამოქვეყნდა ორ მანიფესტში პირვე-
ლად 28 იანვარს 1801 წელს რუსეთის მეფე პავლე პირ-
ველის მიერ, მეორე კი დადასტურებული და გამოქვეყნე-
ბული იქნა 12 სექტემბერს იმავე წელს, მეფე ალექსანდ-
რე პირველის მიერ.

ქართველი ერი არასოდეს არ შეურიგდა ანექსიას, მის
დაპყრობას, და რუსეთის უბრალო გუბერნიით გამოცხა-
დებდას, რასაც ამტკიცებს 1802 - 1804 - 1812 - 1819-
1832 - 1878 წლის აჯანყებები და დასასრულს 1905 -
1907 წლის, სადაც ქართველმა ერმა მიმართა გააგის სამ-
შვილობო კონფერაციას, დაეგმო რუსეთის ანექსია, და
მოითხოვა საქართველოს სუვერენობის აღდგენა.

„მეფის რუსეთმა დაარღვია რა ცალმხრივად ტრაქტა-
ტის ყველა მუხლები, საქართველო თავისუფლდება ყველა
მის ვალდებულებისაგან რუსეთისადმი და ხდება კვლავ
სუვერენული სამეფო - რუსეთმა კი გამოიჩინა უპატივცემ-
ულობა პატარა ერის სუვერენობისადმი, გამცემლუ-
რად, მოღალატურად, უსირცხვილოდ უარყო მისი ხელის-
მოწერა, გააუქმა მეგობრული ხელშეკრულობა, გააუქმა
საქართველოს სამეფო, მოახდინა მისი ანექსია-დაპყრობა
და გამოაცხადა ის რუსეთის პროვინციად ანუ რუსეთის
ტერიტორიად“ (პროფ. ლოფური.)

ერს აყარეს ყოველივე უფლებები, და შეურაცხვეს
გმირი მეფის ხელშეკრულება და ხელის მოწერა.

საქართველოს
ისტორიული
არქივი

დასასრულს მაინც გვინდა ვიკითხოთ; რა უნდა იღლე-
სასწაულოს ქართველმა ხალხმა: ამ მეგობრული პაქტის
დარღვევა და გაუქმება რუსეთის მიერ? საქართველოს
ანექსია და ჩვენი დედულ - მამულის რუსეთის უბრალო
კუთვნილ პროვინციად გამოცხადება? ჩვენ ვრჩებით სრუ-
ლი იმედით, რომ მთელი ქართველობა ერთობლივ არ
იქნება პასიური აუდიტორიის როლში, იტყვიან თავიანთ
პატრიოტულ სიტყვას, და არ მისცემენ საშუალებას საბ-
ჭოთა იმპერიას, რომ ბოროტი ზრახვებისათვის იქნეს გა-
მოყენებული ის ისტორიული ტრაქტატი, რომელიც კრე-
მლის წინაპართ იმპერატორებმა თავის გენერლებით ფეხ-
ქვეშ გათელეს, და საქართველო უბრალო, რუსეთის გუ-
ბერნიად აქციეს.

ლ. ჟაღვა.

მარცხული გლოვის დღე

25 - ი თებერვალი - დამოუკიდებელ საქართველოს
დაპყრობის, და ეროვნული ტრაგედიის დღეა, ვინაიდან
საქართველომ ისევ დაკარგა ეროვნული თავისუფლება
რომელიც მან 117 წლის, უცხო ბატონობის შემდეგ,
1918 წლის 26 მაისს აღადგინა.

1921 წლის 11 - ტ თებერვალს საბჭოთა რუსეთის წი-
თელმა არმიამ, რომელიც შესდგებოდა არმიის ოთხი კო-
რპუსისაგან, ერთდროულად გადალახა დამოუკიდებელი
საქართველოს საზღვრები და ხუთი მხრიდან შემოიჭრა
ჩვენს სამშობლოს.

მიუხედევად ძალთა უთანასწორობისა, საქართვე-
ლოს არმიისა და სახალხო გვარდიის ნაწილებმა არა თუ
შესძლეს მომხდური მტრის მოგერიება, არამედ მას სას-
ტიკი მარცხი აგემეს თბილისის მისადგომებთან -ტაბახმე-
ლაზე და კოჯორთან. მაგრამ მდგომარეობა გაუარესდა
როცა თურქეთის არმიის ნაწილებმაც გადმოლახეს საქა-
რთველოს სახელმწიფო საზღვრები. ამის შესახებ ჟორდა-

Handwritten notes in red ink:
ე. სპიტი
ა. ბიძინაძე
ჩუბინაძე
ანექსია
საქართველო
საბჭოთა
რუსეთის
გუბერნიად
აქციეს
ლ. ჟაღვა.
მარცხული გლოვის დღე
25 - ი თებერვალი
1921 წლის 11 - ტ თებერვალს
მიუხედევად ძალთა უთანასწორობისა
შესძლეს მომხდური მტრის მოგერიება
არამედ მას სასტიკი მარცხი აგემეს
ტაბახმელაზე და კოჯორთან
მაგრამ მდგომარეობა გაუარესდა
როცა თურქეთის არმიის ნაწილებმაც
გადმოლახეს საქართველოს სახელმწიფო
საზღვრები

ნია თავის მოგონებაში „ჩემი წარსული“, რომელიც 1953 წელს დაიბეჭდა პარიზში, სხვათა შორის, წერს:

„ყველა წარმომადგენელნი უცხო სახელმწიფოსი ჩვენ თანავიგობობდა. ეჭვს მიბადებდა მხოლოდ ერთი — ოსმალეთის ელჩი კიაზიმ - ბეი, ის გამოცხადდა ჩემთან მეორე დღესვე და გამიცხადა სრულიად კატეგორიულათ: ჩვენი ინტერესია საქართველოს დამოუკიდებლობა და ამ მიზნის მისახწევად არ დავერიდებით ომსაც ბოლშევიკების წინააღმდეგო. ასეთია ჩვენი მთავრობის აზრიო. ეს იყო პირდაპირ ჩვენი გაკეთება, ვინაიდან ვიცოდით რა დიდ მნიშვნელობას აძლევს რუსეთი ოსმალს ნეიტრალიტას. უეჭველად ამ დროს იყიდეს ოსმალს ნეიტრალიტა მოსკოველებმა, არტაანის და ართვინის და ამობით რაიცი და მტყიცდა ჩვენზე ზურგიდან თავდასხმით“

ამგვარად, საბჭოთა რუსეთის მრავალრიცხოვანი ჯარის შემოჭრის შემდეგ დამოუკიდებელი საქართველოს სახელმწიფოს ტერიტორიაზე თურქებმაც გადმოლახეს საზღვრები, და ეს ორი სახელმწიფო ერთად მოქმედებდნენ დამოუკიდებელ საქართველოს დაპყრობა დაქუცმაცებისათვის. აქვე უნდა აღინიშნოს, რომ იმ დროს, როგორც მას უწოდებენ, „თურქების მამა“ - ქემალ ფაშა - მეტად მეგობრულ დამოკიდებულებაში იყო ლენინთან, რომლისგან ის ლებულობდა შეიარაღებასა და სამხედრო საქურველს, რასაც თურქეთი იყენებდა არა მარტო დამოუკიდებელ საქართველოს, არამედ საბერძნეთისა და დასავლეთის მოკავშირეების წინააღმდეგაც პირველი მსოფლიო ომის დროს. მიუხედავად ძალთა ამგვარი უთანასწორობისა, საქართველოს არმიამ შესძლო დაახლოებით ერთ-თვე ნახევრის განმავლობაში განმკლავებოდა საბჭოთა რუსეთისა და თურქეთის ჯარებს; მაგრამ, საბოლოო ჯამში, საქართველოს დემოკრატიული რესპუბლიკის ახალგაზრდა არმია დამარცხდა, თუმცა უკანასკნელ გადამწყვეტ ბრძოლაში სასტიკად დაამარცხა თურქეთის ჯარი ბათუმსა და მის რაიონებში, და ასე შეუენარჩუნა საქართველოს ლენინ-

ნის მიერ ბრესტლიტოვსკში თურქეთისათვის ბოძებული
ეს ნაწილი.

1921 წლის 16 - ტ მარტს, საქართველოს დემოკრატი-
ული რესპუბლიკის დამფუძნებელმა კრებამ ჩაატარა უკა-
ნასკნელი სხდომა ბათუმში და საქართველოს მთავრობას,
ნოე ჟორდანიას მეთაურობით, დაავალა დაეტოვებია სა-
ქართველოს ტერიტორია და უცხოეთიდან განეგრძო ბრ-
ძოლა საქართველოს დამოუკიდებლობის, სუვერენობის და
გენისათვის. ამ გვარად დამოუკიდებელ საქართველოს
მთავრობამ, ნოე ჟორდანიას მეთაურობით, 1921
წლის 17 - ტ მარტს დატოვა საქართველოს ტერიტორია
და თავი შეაფარა საფრანგეთს; რის შედეგად პარიზი გახ-
და დამოუკიდებელ საქართველოს მთავრობის სადგომად,
მისი უკანასკნელი წევრის ნ. ცინცაძის გარდაცვალებამ-
დე. საბჭოთა წითელი არმიის ნაწილები ბათუმში შემო-
ვიდნენ 1921 წლის 20 მარტს.

ამგვარად, რუსეთმა მეორეჯერ დაიპყრო საქართვე-
ლო: ჯერ 1801 წელს, როცა მეფის რუსეთმა, დაარღვია
რა 1783 წლის რუსეთ - საქართველოს ხელშეკრულება,
მოახდინა საქართველოს ანექსია, და მეორეჯერ - 1921
წლის თებერვალ - მარტში, რუსეთ - საქართველოს 1920
წლის 7 - მაისის ხელშეკრულების მიუხედავად მოახდინა
მისი სამხედრო ოკუპაცია.

საბჭოთა საქართველოს პირველი კომუნისტური მთავ-
რობა, ე. წ - ლი „რევკომი“ ცდილობდა შეექმნა შთაბეჭ-
დილება, რომ თითქოს საბჭოთა რუსეთის არმიას არ დაუ-
პყრია დამოუკიდებელი საქართველო, და რომ, თითქოს,
საქართველოს მშრომელებმა მოაწყვეს აჯანყება სსქარ-
თველოს ხალხის მიერ დემოკრატიული გზით არჩეული
მთავრობის წინააღმდეგ, ჩამოაგდეს მთავრობა და ასე
დამყარდა საქართველოში ე. წ - ლი საბჭოთა ხელისუფ-
ლება. ამგვარ სიყალბეს ქადაგებდნენ და დღესაც ქადაგე-
ბენ მოსკოვის დამპყრობელები. ისტორიული სინამდვილე
კი ის არის, რომ საბჭოთა რუსეთის მთავრობის მიზანი
იყო დამოუკიდებელი საქართველოს დაპყრობა, მაგრამ
ამისთვის უცდიდა შესაფერ მომენტს. ამიტომ სრულებით

უსაფუძვლოა ზოგიერთების მტკიცება თითქოს ლენინი დამოუკიდებელ საქართველოს დაპყრობის წინააღმდეგი იყო, სინამდვილეში ლენინი იყო არა საქართველოს დაპყრობის წინააღმდეგი, არამედ ამ ფაქტის განმარტების წინააღმდეგი ევროპაში, სადაც საქართველოს სოციალ - დემოკრატიული პარტიის ლიდერებს დიდი სახელი ჰქონდათ მოხვეჭილი.

„რა დიდ მნიშვნელობას აძლევდნენ ამ საკითხს მოსკოვში, სჩანს იქიდან (სწერს ნოე ჟორდანიანი) რომ როცა ლენინმა გაიგო ჩვენი გასვლა, განაცხადა: „წაგებული ვართ“ ამ გვარად, ლენინი დამოუკიდებელ საქართველოს დაპყრობის წინააღმდეგი კი არ ყოფილა, არამედ ცდილობდა თავი აერიდებია „ქართული საკითხის“ განმარტებისათვის განსაკუთრებით ევროპაში, რაც დიდ ზიანს მიაყენებდა ბოლშევიკების, ისედაც გატეხილ სახელს საერთაშორისო არენაზე. ვინაიდან დამოუკიდებელი საქართველოს წესწყობილების დამხობა ბოლშევიკებმა ვერ შესძლეს შინაგანი არეულობის მოწყობის გზით, უბრძანეს წითელ არმიას გადაელახათ საქართველოს სახელმწიფო საზღვრები რის შესახებ, ლეო ტროცკი, თავის წიგნში „სტალინი“ წერს: „როგორც სჩანს სტალინმა დაივიწყა, რომ ხელმოწერილი იყო მგვობრობისა და თავდაუსხმელობის ხელშეკრულება საქართველოსთან 1920 წლის 7 -დ მაისს, და 1921 წლის 11 თებერვალს, წითელმა არმიამ მიიღო ბრძანება გარდაელახა საქართველოს საზღვრები.“

1922 წელს, აპრილში კი, როცა ტროცკი იყო წითელი არმიის სახალხო კომისარი, მან განაცხადა: „ჩვენ განზრახული არ გვაქვს დავტოვოთ საქართველო, მაგრამ თუ ისეთი სიტუაცია შეიქმნება, რომ ჩვენ უნდა დავტოვოთ იგი, მაშინ, სანამ დავტოვებთ მას ისე მივარტყამთ კარებს, რომ საქართველოდან ერთი აგურიც კი აღარ დარჩება“.

ლავრენტი ბერიამ კი 1936 წლის თებერვალში, დაპყრობის მე - 15 წლისთავზე პირდაპირ განაცხადა: „1921 წლის თებერვალში საქართველო განთავისუფლებული იქნა ჩავვრისაგან საბჭოთა რუსეთის წითელი არმიის დახ-

მარებით და შესძლო საბჭოთა დიქტატურის დამყარება“.

„მხოლოდ დახმარებამ, რომელიც მიღებული იქმნა რუსეთის დიდი ოქტომბრის რევოლუციისაგან, შესაძლებელი გახდა მენშევიკური მთავრობის ჩამოგდება. ქართველი ხალხის განთავისუფლება დაიწყო მაშინ, როცა ბოლშევიკურმა რევოლუციამ გაიმარჯვა რუსეთში წითელი არმიის ძალით, რომელმაც 1921 წელს გაუწია საჭირო დახმარება ქართველ ხალხს და შემოვიდა საქართველოში“, ასე განაცხადა მოლოტოვმა, საქართველოს ე. წ. ლი „გასაბჭოების“, ე. ი. დაპყრობის მე - 15 - ე წლისთავზე წითელი არმიის შემოსევამ და საბჭოთა ხელისუფლების დამყარებამ საქართველოში მიიღო, უცხოეთიდან დაპყრობის ხასიათი, ვინაიდან თვით ქვეყანაში არ მოიპოვებოდა არავინ, ვინც იქნებოდა მზად მონაწილეობა მიეღო აჯანყებაში ან რევოლუციაში. საბჭოთა რეჟიმის დამყარებისას, მთელ საქართველოში არ იყო არც ერთი ჩვენი პარტიის უჯრედი, რომ შესძლებოდა ორგანიზებული მოქმედება ან უზრუნველყო ხელმძღვანელობა და ამ მიზნის განხორციელება დაეკისრა, უმთავრესად, საექვო ან კრიმინალურ ელემენტებსაც კი. . . . ჩვენ უნდა გვესმოდეს, რომ ქართველი ხალხის მასები შეეჩვია საქართველოს დამოუკიდებლობის იდეას . . . ჩვენ გამოვაცხადეთ რომ ჩვენ ვმუშაობთ იმისათვის, რომ შევქნათ დამოუკიდებელი საქართველო . . . მაგრამ ჩვენ სისტემატიურად ვდგამთ ნაბიჯებს, რომლებიც არაააობად აქცევს ამ შეპირებას“.

ასე წერდა, სხვათა შორის, ფილიპე მახარაძე 1921 წლის 6 - ს დეკემბერს თავის მოხსენებაში, რომელიც მან წარუდგინა საბჭოთა რუსეთის კომპარტიის ცენტრალურ კომიტეტს მოსკოვში, საქართველოს ე. წ. ლი „გასაბჭოების“ შესახებ.

დაპყრობის დღიდან ყოველთვის ამბობდენ და დღესაც ამბობენ, რომ მათ თითქოს „გაათავისუფლეს საქართველო იმპერიალისტურ - კაპიტალისტურ ჩაგვრისაგან“. მაგრამ სინამდვილე სრულიად სხვაგვარია: საბჭოთა რუსეთმა, ლენინ - სტალინის მეთაურობით მოსპეს, დაიპყრეს

დამოუკიდებელი საქართველო იმიტომ, რომ რუსეთისათვის საქართველოს ტერიტორიას ჰქონდა და აქვს დიდი სტრატეგიული მნიშვნელობა მისი იპერიალისტური პოლიტიკისათვის ახლო და შუა აღმოსავლეთში.

რუსეთს სურდა ხელში ჩაეგდო საქართველოს შავი ზღვის ნავსადგურები ბაქოს ნავთობის გასატანად საზღვარგარეთ;

რუსეთს სურდა ხელში ჩაეგდო საქართველოს ეკონომიკა - მარგანეცი, ქვანახშირი, თამბაქო, ჩაი, ბამბა და სხვა, და ამით საბჭოთა რუსეთმა, ლენინის მეთაურობით, პრინციპში გაიზიარა მეფის რუსეთის ექსპანსიური და არა რუს ერთა ჩაგვრისა და მათი რუსიფიკაციის პოლიტიკა, რომელიც დღესაც ისეთი სიმწვავეთ ტარდება საქართველოში, როგორც ეს ხდებოდა მეფის რუსეთის დროს. მაგრამ საქართველოს, ქართველი ხალხის ეროვნული თავისუფლებისაქენ მისწრაფების ისტორიული ფაქტებია ის გაუთავებელი აჯანყებები მომხდური მტრის წინააღმდეგ, რომლის კულმინაციური წერტილიც საყოველთაო სახალხო აჯანყება 1924 წლის 28 - 29 აგვისტოს, და უახლოეს წარსულში, თბილისის სტუდენტებისა და ახალგაზრდა მუშების მასობრივი დემონსტრაციები 1956 წლის 9 მარტს, თუ 1978 წლის 14 აპრილის მასობრივი დემონსტრაცია თბილისში, და ვინ ჩამოთვლის ქართველი ხალხის ეროვნული თავისუფლებისაქენ მისწრაფების სხვა მრავალ ფაქტს.

საბჭოთა რუსეთის მიერ დამოუკიდებელ საქართველოს დაპყრობამ 1921 წლის თებერვალ - მარტში დიდი გამოძახილი ჰპოვა განსაკუთრებით ევროპის ქვეყნებში. მიტინგები და დემონსტრაციები იმართებოდა ევროპის ქვეყნებში და ქალაქებში, რომლის დროს სასტიკად გამობდნენ ბოლშევიკების დიდმპყრობელურ პოლიტიკას საქართველოს მიმართ. საქართველოს საკითხზე დებატები ჩატარდა საფრანგეთისა და ინგლისის პარლამენტებში და ერთა ლიგაში. განსაკუთრებით ევროპის ქვეყნების სოციალისტური პარტიები და პროფკავშირული ორგანიზაციები აწყობდ-

ნენ მიტინგებს თუ დემონსტრაციებს მსოფლიოში პირველი როგორც ისინი ამბობდნენ, სოციალისტური და დემოკრატიული სახელმწიფოს - საქართველოს - დამოუკიდებლობის აღდგენისათვის.

ცნობილი ავსტრიელი და სერთოშორისო პოლიტიკური მოღვაწე, ქართველი ხალხის დიდი მეგობარი კარლ კაუცკი - თავის წიგნში დამოუკიდებელ საქართველოს შესახებ რომელიც 1921 წელს დაიბეჭდა ვენაში, - სხვათა შორის, წერდა:

„საქართველოს დამოუკიდებლობის არსებობის მოკლე ხანაში მისმა არმიამ არაერთი მკაცრი გამოცდა გაიარა, მაგრამ ყველაზე უფრო მკაცრი გამოცდა ხვდა მას წილად . . . ძლიერი ბოლშევიკური ჯარების თავდასხმისას სამხრეთიდან აღმოსავლეთიდან და ჩრდილოეთიდან ერთდროულად. ყოველივე ამის გამოცხადების გარეშე მოხდა მოღალატეობრივი თავდასხმა საქართველოზე თებერვლის მეორე ნახევარში“

ამ იმპერილისტური აქტით კი, საბჭოთა რუსეთის მთავრობამ, ლენინის მეთაურობით დაარღვია მის ნიერვე ცნობილი საქართველოს სახელმწიფოებრივი დამოუკიდებლობის „დე ფაქტო“ და „დე იურე“..

საქართველოს დაპყრობის შენდევ ათასობით ქართველი პატრიოტები დაპატიმრებულნი, გადასახლებულნი თუ დახვრეტილნი იქნენ, რამაც ისეთი დიდი აღშფოთება გამოიწვია ქართველ ხალხში, რომ მრავალ ლოკალურ ამბოხებებს, 1924 წლის აგვისტოში მოჰყვა მთლიანი სახალხო აჯანყება, რომელიც სისხლში ჩაახრჩო საქართველოს ისტორიულმა მტერმა რუსეთმა.

აჯანყებულთა „დამოუკ-ბლობის კომიტეტის“ პროცესზე თბილისში, 1925 წლის 22 - რ ივლისს კოტე ანდრონიკაშვილი: „დღეს, არც ერთი პასუხისმგებელი კომუნისტი აღარ იმეორებს იმ ზღაპარს, თითქოს 1921 წელს საქართველოში მუშებმა და გლეხებმა მოახდინეს გადატრიალება, ჩამოაგდეს საქართველოს დემოკრატიული მთავრობა, რისთვისაც დასახმარებლად შემოიყვანეს რუსის




ჯარი და მას მოუხდინეს ოკუპაცია . . . დიახ, საქართველო დაიპყრო რუსეთმა. ეს ფაქტია“.

როგორ შეხვდა ამ ფაქტს ქართველი ხალხი, ქართული პოლიტიკური პარტიები? - რასაკვირველია, ისინი ვერ შეურიგდენ ოკუპაციას . . . “

„რა მოხდა 1921 წლის თებერვალში?“ თქვა იასონ ჯავახიშვილმა, იმავე 1925 წლის „დამოუკიდებლობის კომიტეტის“ სასამართლოს პროცესზე 31 ივლისს: „რუსეთის შეიარაღებული თავდასხმა საქართველოზე . . . არავითარი იქვის შეტანა არ შეიძლება რადეკის გულწრფელობაში როცა ის მესამე ინტერნაციონალის კონფერენციაზე ცხადებდა: „რუსეთმა იმიტომ დაიპყრო საქართველო, რომ უნდოდა უზრუნველყო ნავთობის მისაღვამი ვზებიო“.

მაგრამ, დაიპყრო რა დამოუკიდებელი საქართველო საბჭოთა რუსეთმა 1921 თებერვალ-მარტში, ლენინმა, საქართველოს მოსტაცა არა მარტო სახელმწიფოებრივი დამოუკიდებლობა და სუვერენობა, არამედ ამასთანავე საქართველომ დაჰკარგა მისი ტერიტორიის დიდი ნაწილიც:

დამოუკიდებელი საქართველოს ტერიტორია 1921 წელში შეადგენდა 91. 110 თ კვადრატულ კილომეტრს, ე. ი. 21. 000 ს კვადრატულ კილომეტრზე მეტს, ვიდრე საბჭოთა საქართველოს დღევანდელი ტერიტორია. ამგვარად, რუსმა და ქართველმა ბოლშევიკებმა 1921 წელში არა მარტო დაიპყრეს და უცხო ძალას დაუმორჩილეს საქართველოს სახელმწიფო, არამედ, როგორც ბუდუ მდივანი ამბობდა მაშინ, „მარჯვნივ და მარცხნივ“ დაარიგეს ქართველი ხალხის მიწა - წყალი, რის შედეგად საქართველომ დაჰკარგა ართვინის ოლქი მთლიანად, რომლის ტერიტორია უდრიდა 3339 კვადრატულ კილომეტრს, ფოცხოვის თემი, 588 კვადრატული კილომეტრის ტერიტორიით; არტაანის ოლქი, 5137 კვადრატული კილომეტრის ტერიტორიით. ოლთისის ოლქი, 3051 კვადრატული კილომეტრის ტერიტორიით. ბორჩალოს მაზრის ნაწილი, 3812 კვადრატული კილომეტრის ტერიტო-



რით. ზაქათალის ოლქი, 3564 კვადრატული კილომეტრის ტერიტორიით; ხოლო სოჩი და მისი რაიონი თვით საბჭოთა რუსეთმა მიითვისა; თითქოს რუსეთს ტერიტორია აკლდაო“.

აი ასე აყარეს სუვერენული უფლებები საქართველოს, ქართველ ხალხს რუსმა და ქართველმა ბოლშევიკებმა; დაგლიჯეს დააქუცმაცეს საქართველოს ისტორიული სახელმწიფო ტერიტორია, რის შედეგად საქართველოს ტერიტორიის ერთ მეხუთედზედ მეტი მოსახლეობით, მოექცა უცხო ბატონობის ქვეშ.

„საქართველოს საკურთხეველზე დიდი მსხვერპლია მიტანილი . . . ქართველ ხალხს დღეს მართებს მოთმინება, გამაგრება, მომავლისაკენ იმედიანად გახედვა. . .“ განაცხადა ნოე ჟორდანიამ.

1918 წლის 26 მაისს ვერასდროს ვერ დაჩრდილავს სუსხიანი 25 თებერვალი, მიუხედავად იმისა, რომ ამ გლოვის დღეს, დამპყრობელები დიდი ზეიმით დღესასწაულობენ. გავიხსენოთ დიდი ილიას სიტყვები:

„აწმყო თუ არა გვწყალობს, მომავალი ჩვენია!“

კარლო ინასარიძე.

საქართველოს დაპყრობის 62 წლისთავზე

(1960წ. ნიუ-ორკის კოლონიის კრებაზე გ. ნაკაშიძის მიერ წარმოთქმულ სიტყვიდან).

საუკეთესო მამულიშვილთა ნატვრა -ოცნების განხორციელება; 1918 წელსი დამოუკიდებლობის გამოცხადება ქართველი ერის სიხარული და ბედნიერება; ეროვნული მთავრობა; - პარლამენტის მიერ უმადლესი დემოკრატიული პრინციპებ - რეფორმების ცხოვრებაში გატარება და მით მოწინავე კაცობრიობის სიმპატია -თანაგრძნობის მოპოება იყო მოგზაურთ თუ პოლიტიკურ მოღვაწეთა მიერ

უდავო ჰეშმრიტებად აღიარებული, უზარმაზარ რუსეთის იმპერიის ნანგრევებზე საქართველო არის ერთად - ერთი მშვიდობიანობა - სამართლიანობის სანატრელი ოაზისი; ამიტომაც სრულიად ბუნებრივია საქართველოს პარლამენტის თავმჯდომარის კარლო ჩხეიძის მიერ წარმოთქმული სიტყვები: „ჩვენ საქართველოს დამოუკიდებლობის გამოცხადების გამო არც გვრცხვენია არც ვისი გვეშინია“ და მართლაც რისი უნდა შეგვერცხვენოდა? განა იმისი რომ ოცდახუთი საუკუნის განმავლობაში ყოველმხრივ ძლიერი, უღმობელი მტრებით გარშემორტყმულმა, დავიცავით ერის კულტურა - სარწმუნოება, შევინარჩუნეთ საკუთარი სახე - მეობა და გმირული ისტორიული ტრადიციების მატარებელი, კაცობრიობის უმაღლესი, უკეთილშობილესი იდეალებისათვის თავგანწირული მებრძოლნი, ამყინი და შეუდრეკელნი კვლავ წარვსდევით, კვლავ გამოვედით სერთოშორისო ასპარეზზე ჩვენი ლამაზი სიტყვის სათქმელად, ნანატრ ოცნების სინამდვილედ გადაქცეულის ყველასათვის ჩვენება - გასაცნობად? ვისი უნდა გვეშინებოდა? მრავალ საუკუნეთა გასწვრივ ორი ჩვენი დაუნდობელი მტერი დღეს განიარაღებულ - დაუძლურებული უკვე არავითარ საშიშროებას, არ წარმოადგენდა, ხოლო მესამესთან ხომ თანაარსებობის -მეგობრობის ხელშეკრულება გვექონდა დადებული. თავის ბრწყინვალე ბედისა და მომავალში სავსებით დარწმუნებული ქართველი ერი შეუდგა, დაეწაფა მშვიდობიან შეჩოქმედებით მუშაობას. მაგრამ გულწრფელი და კეთილშობილი ის ვერ იცნობდა თურმე ნამდვილ ბუნებას ყალბ მეგობრისა, ვერ წარმოედგინა თუ რა დიდი ზღვარი იდგა მის სიტყვასა და საქმეს შორის. 15 თუ 16 თებერვალია. ქალაქში აშკარად ლაპარაკობენ, რომ არა სომხები, არამედ რუსის ჯარი შემოიჭრა საქართველოს საზღვრებში და მოეშურება ტფილისისაკენ. ხუთ საათზე, სტუდენტთა საგანგებო კრებაა დანიშნული. თავი მოიყარა არა მარტო სტუდენტობამ, არამედ სხვა ხალხმაც. მოლაპარაკეა ჩვენი თაყვანისცემა სიყვარულის საგანი — პროფესორი ივანე ჯავახიშვილი

ლი. ყოველთვის მშვიდი, თავდაჭერილი, ლმობიერი ღიმილით ჩვეულებრივად სახე გაშუქებული, დღეს სულ სხვა გვარად გამოიყურება, თითქოს დასტოვა, ჩამოშორდა მეცნიერების დიად მალღობებს და აბობოქრებულ გრძნობად ქცეული სახალხო ტრიბუნად აქ მოგვევლინა.

ის ლაპარაკობს მომხდური ძალის ვერაგობა - მუხანათობაზე, მოგვიწოდებს ჩვენი მოვალეობის შესრულებისაკენ, სამშობლოს დამოუკიდებელ თავისუფლებისაკენ მსგავსად ჩვენი წინაპრებისა, დაცვა - გადარჩენისაკენ. ყოველი მისი სიტყვა გულს ხედება, გრძნობა - გონებას აფორიაქებს. ხოლო როდესაც თავისი მხურვალე მოწოდებებით დაბოლავა, რომ თუ საქიროება ამას მოითხოვს ჩვენ თქვენი მასწავლებლები იარაღს ხელში ავიღებთ და გვერდში ამოვიდგებითო, აღფრთოვანებას საზღვარი არ ჰქონდა და ტაში ჭეჭა - ჭუხილმა დაჰფარა საყვარელი მოძღვარის სიტყვები. დაიძრა, დაეჭანა ტალღა ხალხისა პარლამენტისაკენ, სადაც ქართველი ერის მიერ თავისუფლად არჩეულ დამფუძნებელ კრებას დანიშნული ჰქონდა მთავრობასთან ერთად საგანგებო სხდომა. პარლამენტის აივანზე გამოსულ საქართველოს პრეზიდენტ ნოე ჟორდანიას, მთავრობის და დამფუძნებელი კრების წევრებს სიტყვით მიმართა სტუდენტთა წარმომადგენელმა:

„ახალგაზრდობა მზად არის სიხარულით მსხვერპლად შეეწიოს თავის ქვეყანას, რათა მისი დამოუკიდებლობის საფუძველი და კედლები განამტკიცოს - გაასაღკლდევოს“. პრეზიდენტმა ნოე ჟორდანიამ მადლობა გადაუხადა სტუდენტობას ასეთი თავდადების სურვილისათვის და დიდების სიმღერით დაიწალა სტუდენტობა სხვადასხვა სამხედრო ერთეულებში ჩაწერილ - განწესებულნი, გაემგზავრნენ მეორე დილითვე მოახლოებულ ფრონტის ველისაკენ. მაგრამ განგებას გამოეტანა უკვე თავისი განაჩენი. ამო გამოდგა სოღნალულის, ტბახმელა კოჯორის მთების გმირული ბრძოლები. მტრის უხეშმა ძალებმა შემოარღვიეს, შემოანგრიეს ძველი თბილისის კარი-ბუკე, მისი კედლები. პარლამენტის სასახლეზე აფრიალებული სამ-

ფეროვანი ჩვენი დროშა ჩამოგლიჯეს, ფეხქვეშ გათელეს რათა მის ნაცვლად ქართველ მამულიშვილთა სისხლში ამოვლებული წითელი დროშა დაეჭლოთ - გადმოეციდათ.. თებერვლის ბნელი, მძიმე ღრუბლები გადაეფარა 26 მაისის მზის ბრწყინვალეობას, ჩრდილოეთის სუსხმა დააზრო, ამოწვა წალკოტისებურად აქარგულ - აყვავილებული ჩვენი სამშობლო. შავით და ძაძით შეიმოსა საქართველო.. მოულოდნელი დამარცხებით აახტად შთენილი, დარეტიანებული, რაღაც გამოურკვეველ ბურანში მყოფი ქართველი ერი დიდხანს გონს ვერ მოსულიყო, ვერ მიმხვდარიყო თუ რა მოუვიდა, რა დაემართა! ხოლო როდესაც იგრძნო, შეიგნო თავზე დამტყდარი უბედურების საშინელება, დაიწყა საქართველოს ყოველ კუთხეში გამოსვლა - ამბოხებანი.

მე არ შეუდგები მათ ჩამოთვლა - დასახელებას, არ შეგვხები გაღებულ მსხვერპლის სიდიადეს და მნიშვნელობას. დასამტკიცებლად თუ რა ს. ჟრთო, საყოველთაო ხასიათი ჰქონდა ჩვენი დამოუკიდებლობისთვის გაწეულ ბრძოლებს, ტაბახმელა - კოჯორის მთების შევარდნები. ქართველი იუნკერები, თავიანთი გმირული თავგანწირვით ოქროს ასოებით სამუდამოდ რომ ჩაეწერნენ ჩვენი ქვეყნის მატრიანეში. ჩვენ შორის არიან წარმომადგენელნი იმ საქართველოსი, რომელმაც 1924 წელს აჯანყების დროშა ააფრიალა და სამკედრო - სასიცოცხლო ბრძოლაში მტერთან ჩამბულმა მთელი მსოფლიოს სიყვარული და აღტაცება დაიმსახურა.

ჩვენგან შორს იმყოფებიან, მაგრამ ჩვენს სულსა და გულს სამუდამოდ დაეუფლნენ, დაუბატონენ ის მუშები და სტუდენტობა, რომელთაც 1956 წელს მარტის და მაისის დღეებში სამფეროვანი დროშა გაშალეს - ააფრიალეს და საქართველოს დამოუკიდებლობის მოთხოვნის უკიენით უშიშრად მიუშვირეს თავისი მკერდი რუსების ტანკებს და ტყვიისმტრქვეველებს.

ჩვენ ხშირად ვივიწყებთ ჩვენს მოვალეობას მონობაში მყოფ ერის წინაშე. ნუ თუ ამიტომ ეცხოვრობთ თავისუ-



ფლები პირობებში, რომ მთელი ჩვენი ნიჭი - ენერგია ერთმანეთის ქიშპობა - ბრძოლაში დაეხარჯათ - გაცანი-ვით? ნუ თუ არ არი დრო დარაზმვისა, ერთი ფრონტის, ერთი მთლიანი სახელმძღვანელო ორგანოს შექმნისა რომელსაც შეეძლება ყველას სახელით ილაპარაკოს - იმოქმედოს დავისუფელ ქვეყნიერების პატივისცემა და სიყვარული მოიპოვოს? ჩვენ საქართველოს ჯარისკაცები ვართ, და ბრძოლა ბოლშევიკური რუსეთის წინააღმდეგ, ეს ხომ ჩვენი ცხოვრების შინაარსია!

მტკიცედ გვწამს, რომ საქართველო განახლებული ფენიქსებრ ცეცხლით ისევ აღსდგება და უკვდავებისა შარავანდედით ნათელ - მოსილი კაცობრიობას კვლავ წარუდგება!

შემოვკრბეთ ერთად, ერთი სურვილით, ერთი მიზნითა გატაცებულნი და საქართველოს; ჯვარცმულს—ნაწამებს, შეეფიცოთ ჩვენი ერთგულება და სიყვარული! გაუმარჯოს ჩვენს ერთობას, დიდება საქართველოს!

გიორგი ნაკაშიძე

ნ ო ე შ ო რ დ ა ნ ი ა

გარდაცვალებიდან - 30 წლის აღსანიშნავად.

30 წელმა განვლო მ.ს შემდეგ, რაც დავკარგეთ საქართველოს პირველი პრეზიდენტი ნოე ჟორდანი, რომელმაც დასწერა ჩვენი ტანჯული ერის ერთი ბრწყინვალე ისტორიის ფურცელი და საქართველოს ყველა პოლიტიკური პარტიების დავალებით, 1918 წელს 26 მაისს გამოაცხადა საქართველოს დამოუკიდებლობა. 11 იანვარს 1953 წელს, დილის სამ საათზე, მე მას სამუდამოდ გამოვემშვიდობე, გამომშვიდობა ეს ჯადოსნური სიტყვაა, იგი გამოუთქმელ სილაამზეს აძლევს ყველაფერს, რასაც ჩვენ უნდა გამოვეთხოვოთ. რატომ მეჩვენებოდა ჩვენი პრეზიდენტი ცამდი მაღალი განსასვენებელ მის სარეცელზე,

რომ იწვა მშვიდად, ქანდაკის მსგავსი, რომელმაც თავისი ზურგით ატარა ქართველი ერის სვიანობა, და რომლის სახელი ამშვენებს ქართულ უკვდავების სავანეს, ითვლება საქართველოს ისტორიის ერთ საუცხოო სამკაულად, და ირიცხება ჩვენი ქვეყნის უკვდავთა შორის, მე მას უკანასკნელად ვხედავდი,) ჩემს წინაშე ჩაქრა სინათლე, რომელიც ებრძოდა დაუნდობელ სიბნელეს, და თვალწინ წარმომიდგა თავდადებული უნიჭიერესი დიდი მებრძოლი, რომელიც ეწამა თავისუფლების იდეისა და აზრისათვის.

ნოე ქორდანია მე ვიხილე პირველად პარიზში, ნოემბერში 1925წ. მის სანახავად მე, და ჩემი ორი მეგობარი: მიშა გაფრინდაშვილი, არისტოტელ გველესიანი წაგვიყვანა აწ განსვენებულმა, ჩვენმა მოამბაგემ გიორგი წერეთელმა. ჩვენი შეხვედრა მოხდა საქ. დელეგაციაში. პრეზიდენტს მრავალი ქართველები უცდიდნენ, ის ეროვნულ მთავრობის სხდომაზე ბრძანდებოდა, სრულ 12 საათზე ჩამობრძანდა საქართველოს ელჩის ბატონ აკაკი ჩხენკელის ბინიდან, და სალონში შემოვიდა. ბ - ნი გიორგი მისი ჩვეულებრივი ზრდილობით მიესალმა, და წაგვარდგინა პრეზიდენტთან. ბ-ნი ნოე იყო ახოვანი, საუცხოო მოყვანილობის, ალვის ხესავით აშოლტილი, წვრილი, და ისარვივით გამართული, მის ფერმკრთალი სიმშვიდით მოსილ სახეს ასხივოსნებდა ვერცხლივით შესანიშნავათ დაცუნებული გაბადრული თეთრი წვერ - უღვაში, მისი ბიბლიური სახით, მართლაც ის იყო ქართული რასის სილამაზის მშვენება, მისი მოელვარე ჭკუიანური თვალებით, მიხერა - მოხერა ზრდილი, დარბაისლური, — სწრაფი ჩვენ დარცხვენით, მორიდებით წარვსდექით მის წინაშე მან თავზე ხელი გადაგვისვა მოგვეფერა, და გვითხრა „ვია! როგორ გაგამეტათ ნენამო“. მისმა განთქმულმა გამტაცებელმა უბრალოებამ და მამულიშვილურმა საუბარმა ჩვენი მორცხეობა დაგვაფიწყა, ყველა მის შეკითხვებს გაბედულად ვპასუხობდით. ინტერესით გამოგვიკითხა ყველაფერი და შემდეგ გიორგის შეეკითხა, თუ როგორი იყო

ჩვენი მატერიალური მდგომარეობა, ან სად ვცხოვრობდით? გიორგიმ ძოახსენა, რომ ამ მხრით ჩვენ ჯერ - ჯერობით უზრუნველყოფილი ვიყავით. მოგვცა ძრავალი და რიგებები, და თუ რაღე დაგქირდეთ ნუ ძომერიდებითო და დავემძვიდობა. ან მან ძაშინ რა იცოდა, ან მე მაშინ რა ვიცოდი, რომ ექვსი წლის შემდეგ მისი სიძე, და ოჯახის წევრი გავხდებოდი.

როგორც წელიწადის ოთხი დროიდან კაცი ვერ ამოიღებ რომელიმეს, ისე ვერ ამოიღებ საქართველოს დანოუქიდებლობის პერიოდს, ისე მისი შემქმნელის ნ. ჟორდანიას უკვდავ სახელს. ხალხმა ის აიყვანა ისეთ პოლიტიკურ ძვეერვალზე, რომელზედაც არც ერთი ქართველი არ ასულა, მისი მეთაურობით აღსდგა ერთი მთლიანი საქართველო, რომელიც წარმოიშვა, როგორც აუცილებლობა იმ დროინდელ მღელვარე ცხოვრების წიალში მისი შეუპოვარი ბრძოლებით, გონების სინათლით, სიფხიზლით სამშობლოს სიყვარულითა, და პატრიოტიზმით ქართველი ერის ყოფა ცხოვრებაში შემოიტანა ახალი შინაარსი, მისი სიტყვიდან ყოველთვის გაისმოდა შთამაჯგონებელი მოწოდება რწმენისა, იმედისა, და ადამიანის დიდებისა. მისი მიზანი იყო თავისუფლება ერის, პიროვნების, და მისი ნივთიერი კეთილ დღეობა; მისი სტრატეგია: მშვიდობიანობა, მისი იარაღი კი ადამიანობა, ჰუმანიურობა.

სიკვდილის რამოდენიმე დღით ადრე, როგორც ყოველთვის, მე და ასმათი გამოგვაცილა და გვითხრა: ასაკი მემეტება, ახლობლები მაკლდება რას იზამ „არვის ძალუძს მიწიერსა განგებისა გარდავლენა“ ასთე ამბობდა რუსთაველი ვიცი, რომ წუხილს მოგაყენებთ ის რაც უნდა მოხდეს, მაგრამ იფიქრეთ, რომ ეს გარდაუვალია, რომ ეს ბუნების კანონია, ამიტომ მტკიცე საწლვარი დაუდევით თქვენს განცდებს, მშობლები მიდიან შეილები რჩებიან მომიგონეთ სიყვარულით - სიხარულით, და არა წუხილით. გახსოვდეთ, რომ მე ისევე თქვენთან ვიქნები თქვენს ხსოვნაში, თქვენს სიყვარულში ყოველივე კარგს რასაც

თქვენ გააკეთებთ. შემოტრიალდა და გადაგვკოცნა, და სწრაფი ნაბიჯით განგეშორდა. ამ სიტყვებმა ჩვენ გული მოგვიკლა - დაგვამწუხრა, მას ჩვენთან ასე არადროს არ ულაპარაკნია. დიდხან, დიდხანს დამწუხრებულნი ვუყუარებდით მის დაუფიწყარ სილუეტს.

ათი დღის შემდეგ დიდი ნოე აღარ იყო — აღარ იყო ქართველი ერის სულიერი მესაიდუმლე, რომელიც თავიდანვე დაეყრდნო ხალხის ნამდვილ სულისკვეთებას, მის ნამდვილ ტკივილებს და გაიხადა საკუთარ ზრუნვის საგნად.

ნოე ჟორდანიამ ქართველ ერს შესწირა; თავისი სიყვარული, თავისი გატაცება ნდობა, და დიწვეა სამშობლოს წმინდა სამსხვერპლოზე. ხალხმა გააზღაპრა მისი სახელი და ნიშნად მადლობისა მას მიართვა ისეთი თავიგული რომლის სახელია ქართველი ხალხის უდიდესი მარადისეული პატივისცემა და სიყვარული.

ლ. ფალავა.

— : —

წერილი საქართველოდან

12 — 12 — 82წ.

ძვირფასო ამხანაგებო!

ჩვენ მივიღეთ წერილი ამხანაგ „ილიკოსაგან“, საიდანაც გავიგეთ, რომ ჩვენი პირველი წერილი მივიღიათ და ეხლა გიგზავნით მეორე წერილს. ჩვენი პასუხის დაგვიანება გამოწვეულია მხოლოდ ტექნიკური დაბრკოლებების გამო და არა სხვა მიზეზით, ეხლა მაქვთკენ ბევრი ხალხი მოდის ზოგი ტურისტული ვიზით და ზოგი მოსაწვევი ბარათებით. მაგრამ ამ გზას ჩვენ სხვადასხვა მიზეზებით ვერიდებით, რადგან როდესაც ისინი უკან ბრუნდებიან, მათი ნალაპარაკები ერთობ ჭრელი და სხვა და სხვა გვარია. ლაპარაკობენ; 26 მაისის ზეიმის ჩატარებაზედ, პარიზის ქართულ



რესტორანზედ, ლევილზედ, ლევილის ძმათა სასაფლაო-
 ზედ, პარიზის ქართულ ეკლესიაზედ და პანაშვილების გა-
 დახდაზედ, ასე რომ ამ ნალაპარიკებიდან, რაიმე დადები-
 თი დასკვნის გამოტანა ძნელია, მაგრამ აღნიშნავენ პო-
 ლიტკუიური ემიგრაციის ურთიერთ ცუდ დამოკიდებულ-
 ებას, რაც ჩვენის აზრით დანაშაულია და შეუფერებელია
 დღევანდელ ჩვენს პირობებში და განსაკუთრებით თქვენს
 მდგომარეობაში. ჩვენის აზრით საჭიროა, რომ აქედან ჩა-
 მოსულებს პოლიტიკურათ მოერიდოთ და მათი ნალაპარა-
 კები ეჭვის თვალით შეაფასოთ, მაგრამ ქართველური მი-
 ლება ეს თქვენზედ არის დამოკიდებული. ჩვენ ვდგავართ
 ზომიერების ფარგლებში, გვაქვს საკმაოდ რთული, მაგ-
 რამ კარგი კავშირები, მივიღეთ მონაწილეობა თბილისში
 ჩანოსული პოლონელი ახალგაზრდებისათვის ფურცლების
 გადაცემაში, მაგრამ არ ეიზიარებთ სხაროვის ხაზს, რად-
 გან ის შორს არის ერთა დამოუკიდებლობის იდეისაგან.
მის ფილიალს წარმოადგენს ეგრედ წოდებული გამსახურ-
 დიას ჯგუფი, რომელმაც დაკარგა წონასწორობა და რაც
მთავარია ნდობაც. საუბედუროდ გამოჩნდნენ აგრეთვე
 მოანარქისტული მიმართულებაც, რომლებიც არ გირიბი
 ან არც ტერორს და არც შავ ბაზარს ფულის შოვნის მიზ-
 ნით - 1982 წელს აპრილში დახვრიტეს 4 ქართველი, თით
 ქოს ჯაშუშური ცნობების მიცემის გამო, მაგრამ სასამარ-
 თლო მიმდინარეობდა დახურულ კარებში და ოფიციალუ-
 რად აბრალებდნენ დიდ სპეკულიაციაში მონაწილეობის მი-
 ლებას. ვიცით რომ მანდ გყავთ გიბეუს აგენტები, რომლე-
 ბიც აქ აწვდიან მოგონილ ცნობებს თქვენს შესახებ. სხვა-
 თა შორის აქ ამზადებენ ახალგაზრდობას ინსტიტუტებში
 უცხო ენების შესასწავლად, რომლებიც შემდეგ იგზავნი-
 ბა საჯაშუშოდ დასავლეთში და აღმოსავლეთში. გირიბით
 ახლად ჩამოსულ ემიგრანტებს. მათი შესწავლისათვის ბიუ-
 რი დრო არის საჭირო. გ ე ვ უ ს აგენტებს ჯო-
 თაერესად აინტერესებთ პარიზი და მიუნხენი. ილიკოს წი-
 რილიდან გაიგეთ საზღვარგარეთელი ბიუროს შიმდაინ-
 ლობა, საიდანაც სჩანს ბევრნი არა ხართ, მაგრამ მთა-
 ვარია, რომ დგეხართ ჩვენი ერის მეთაურების მიერ დატო-

სპონსორი
 ილიკოს
 დამოუკიდებლობის
 იდეისათვის
 1982 წელს
 აპრილში
 დახვრიტეს
 4 ქართველი

ევბულ ანდერძის გზაზე და იზიარებთ 26 მაისის იდეას, დამოუკიდებელ საქართველოს კონსტიტუციის ფარგლებში. საერთოდ აქ ბოლშევიკებმა ხალხს თავი მოაძულეს ლენინიზმ-მარქსიზმის პროპაგანდით, რაც ისეა არეული ერთმანეთში, რომ კაცმა არ იცის სად იწყება მარქსიზმი და სად თავდება ლენინიზმი. ერთი ცხადია მათ ერთ მანეთთან საერთო არაფერი აქვს.

უდავოა პროგრესმა თავისი ქმნა; ტექნიკისა და ეკონომიურ გარდაქმნას მოჰყვა მარქსიზმის მოძველება, რომლის სახელით დედაშიშის ერთ მეექვსედს ბოლშევიკებმა მონობის მძიმე უღელი დაადგა. თვით მარქსი ხომ რუსეთს თავის დროზე იმპერიალისტურ და რიაქციონურ ერად ასახელებდა. მიუხედავად მარქსის დებულების მოძველებისა ის მაინც რჩება ისტორიაში, როგორც მუშათა და გლეხთა ინტერესების დამცველი, რომელმაც მონური შრომის წინააღმდეგ პირველი ზარი ჩამოაჭრა. სულ სხვაა ლენინიზმი ის არის ბოლშევიზმის საძირკველის ჩამყრელი, რომელზედაც სტალინმა აღაშენა უდიდესი იმპერია პატარა ერების დაპყრობისა და თვით რუსეთის მუშათა კლასის მონობისა.

როგორც ვთქვით მარქსის დებულებები მთელ რიგ საკითხებში მოძველებულია და შესაცვლელია, მაგრამ საქართველოს განთავისუფლების იდეა რჩება შეუცვლელი ჩვენ იმედი გვაქვს ლენინიზმი მოისპობა, ბოლშევიზმი ისტორიის შავი ფურცლების მასალად გახდება, პატარა ერები განთავისუფლებიან, საქართველო აღსდგება 26 მაისის ნიადაგზე და ის გახდება ბატონ პატრონი, დამოუკიდებელ საქართველოს პარლამენტის მიერ მიღებული კონსტიტუციისა.

ჩ ვ ე ნ ე ბ უ რ ი .

ა ი რ ა ს ს წ ე რ დ ნ ე ნ . . .

პოლიტიკური ერთობა, შეურყეველი კავშირი რუსეთთან ჩვენთვის იყო და იქნება: ძვირფასი საუნჯე, რუს ხალხთან ქართველი ხალხის თანასწორ უფლობიანობის აღდგენა. რუსის ხალხის სად გონებას საერთო

არაფერი აქვთ ზოგიერთი განსაზღვრული ყაიდის რუს
ლიტერატორებთან, გამსჭვალულხი რომ არიან ველურ
რასობრივ გახკერძოებულებით. ველიკოროს შოვისის—
ტემს მაგ. კატოვს, რომ ჰკითხოთ როგორი უნდა იყვეს
რუსი პატრიოტი ნოვოგებს: იგი უნდა სწავრავდეს ყოველ
სხვა ტომს რუსეთთან შესაერთებულსა, და გარედ
უხდა ელტვოდეს მთელი ევროპის გაღესვას. ამ
ჟამად ქართველები ერთ ერთი ყველაზე დაწავრული,
ყველაზე შეურაცყოფილი ეროვნებაა, რუსეთის იმპე-
რიაში. ქვის გული უხდა ჰქონდეს საქართველოს შვილს
რომ ეს ისტორიული მოვლენა სავსე ძალიან ტრაგი-
კული მნიშვნელობით გაიცნო ისე, რომ დარდით და
ნადველით არ აღივსო. მხრთალი მონებივით შეესტყერ-
ით ჩვენს დამონება - დამარცხებას. (თხუზ. ტომი - 2 - 3
გვ. 447.) — იაკობ გოგებაშვილი — თბილისი 1988 წ.

საქართველოს რუსეთთან შეერთება არ მომხდარა ნე-
ბაყოფილობით. პირიქით, ეს იყო ნამდვილი, მთელი რიგი
ძალდატანებითი მოქმედება, რასაც თან ახლდა ერთის
მხრივ რუსეთის ევრაგობა, მოტყუილება, ხოლო მეორეს
მხრივ სისხლიანი ბრძოლები. „საქართველო მე 19 საუ
კუნეში“ — ფ.მახარაძე თბილისი - 1980 წელი.

არის რაიმე ძირითადი განსხვავება დღევანდელ, და
იმ დროინდელ რუსეთს შორის? მოუსმინოთ მარკიზ დე
კიუსტენს, რომელმაც იმგზავრა რუსეთში 1839წ. ნიკო-
ლოზ პირველმა ის დიდი მეფური პატივით მიიღო. მან
ვრცელი შრომა გამოაქვეყნა რუსეთზე, ის სწერს: „რუ-
სეთის მთავრობას ამჟამად აქვს მხოლოდ ერთი უნარი
ქვეყნების დაპყრობა. რუსეთში მოძრაობა და მსჯელო-
ბის თავისუფლება, შეზღუდულია. თქვენ მხოლოდ ერთ
თავისუფლებას გიბოძებენ - თავისუფლებას, რომ გა-
მოთქვათ აღფრთოვანება დამყარებული ხელისუფლე-
ბით. თქვენ არაფერში არ გეუბნებიან უარს, მაგრამ ყე-
ვლგან თან დაგდვენ, ამგვარად თავაზიანობა თქვენი
თვალყურის დევნის წესად იქცევა“.

თბილისი - 1980 წელი

მარკიზ დე - კუსტენი „ნიკოლოზ 1 - ის დროინდელი რუსეთი“ გამომცემლობა პოლიტკატორღელი. თბილისი 1935წ.

„რუსეთის პოლიტიკა უცვლელია, როგორც ანას აღიარებს მათი ოფიციალური ისტორიკოსი კარამზინი: მისი ტაქტიკა შეიძლება შეიცვალოს, ნაგრამ მისი პოლიტიკის მანათებელი ვარსკლავი უცვლელი და ურყევეია. ბატონობა, ბრძნებლობა, გამგებლობა და დამორჩილება სამყაროსი. (კარლ მარქსი. 22 იანვარი 1867 წ.)

(გამოქვეყნებულია პოლონეთის რუსეთის წინხაღმდეგ აჯანყების ოთხი წლის თავზე მიძღვნილ წერილში).

შენიშვნა: კ. მარქსის გარდაცვლების ასი წლისთავი მოსკოვმა დიდი ზემოთ აღნიშნა. გაზეთი „პრავდა“ სწერს „მარქსის ნაწერებს ეძმა მსვლელობა სულ არ დასტყობია, იგი ისე აქტუალური არასოდეს არ ყოფილა, როგორც დღეს“

საინტერესოა რას ფიქრობს „პრავდა“ ზემოთ მოყვანილ კ. მარქსის ციტატებზე?

— : —

„მტრობა ენის არს მტრობა ჰმეყნის“

ილია

ქართველი ერის მაღალი ეროვნული თვითშეგნების ბრწყინვალე დემონსტრაცია იყო 1978 წლის 14 აპრილის ქართული საზოგადოების მიერ ქართული ენის სახელმწიფოებრივი სტატუსის დაცვა.

გასულ წელს ჩვენმა ერმა 14 აპრილს საქართველოსათვის ღლოცვის დღეთ გამოაცხადა.

მოგმართავთ ყველა ქართველს ამ დღეს ღლოცვით მიიხსენიოთ სამშობლო ჩვენი, ერი ჩვენი და ენა ჩვენი.

დაე ამ დღეს თქვენს მიერ უფლისადმი, საქართველოსათვის ანთებული სანთელი იყოს სიმბოლო ქართველი ერის უკვდავებისა, აწ და მარადის უკუნითი-უკუნისამდე. - ამინ.

ამ თქვენმა კეთილშობილურ ღირსეულმა მოწოდებამ, შორს თქვენგან, სამშობლოს ძალადობით მოშორებულთ, პარიზში მყოფ ქართველებამდის, მხოლოდ 82 წლის მიწურულში მოადწია.

ამა წლის 14 აპრილს თანახმად თქვენი მომართვისა დეკანოზ ილიამ პარიზის წმიდა ნინოს სახელობის ეკლესიაში სწირა, და უკვდავების სანთლები აუნთეთ ქართველი ერის და ჩვენი დედა ენის მარადისობას.

მამაო ილიამ თავის მგრძნობიარე ქადაგებაში სთქვა, რომ ჩვენ ქრისტიანობამ შეგვინახა; ჩვენი მიწა-წყალი, ჩვენი ენა, და იშვილა მამული და ერი ჩვენიო. სასიამოვნოდ მღერდა; ქართული გუნდი. თუ კი ყოველ დღე, ყოველ საათს ჩვენი შემეცნებით თქვენთან ვართ, დღეს განსაკუთრებით ანთებული სანთლებით, მთელი ჩვენი არსების გატაცებით ვიყავით თქვენთან, და თქვენით ვამაყობდით, რადგან თქვენ ხართ ბრწყინვალე ქართველები, იცით დედა ენის და სამშობლოს თავისუფლების ფასი. თქვენ დაამტკიცეთ უდიდესი თქვენი ქეშმარიტი მამულიშვილობა, რადგან თქვენ უმთავრეს საგნად გაიხადეთ ჩვენი მშობლიური ენის დაცვა, რომლისთვისაც თქვენ არ დაიშურეთ არც თქვენი რაინდული სისხლი და არც თქვენი სიცოცხლე. სირცხვილი იმ გუთნის დედას, ვინც მამა პაპის საფლავს ხნავდეს, და მის ენას არ იცავდეს. ქართველი ერის ყოფნა არ ყოფნის საკითხი მისი ენის დიად გრდემლზე იქედება; ეს ი. გოგებაშვილმა ყველაზე ნათლად გვასწავლა:

„უპირველესი ნიშანი ერისა ენაა. მშობლიური ენა ძირითადი ეროვნული ძალა; მთავარი ბურჯია ეროვნებისა, ენა არის თვით სიცოცხლე; როცა ენა ჰქრება, ჰქრებ-რება; ქრება ხალხიც, ვიდრე ენა ცოცხალია და მშობლიურ ენაზე ლაპარაკობს, ხალხიც ცოცხალია, და იმისთანა აუტანელი ძალადობა არ იქნება რა, რომ წაართვა ხალხს ენა სამკვდროთ შექმნილი, და ის ყველაფერის დაბრუნებას შესძლებს; მაგრან თუ ენა წაართვით ის თავის დღეში ვეღარ შექმნის მას. მოკვდა ხალხის ენა და მოკვდება ხალხიც“

(ი. გოგებაშვილი. თხუზ. ტომი პირველი გვერდი 207 და 416)

ჩვენს მიწას გვედავებიან, ჩვენს კაცობას, ჩვენს სახლ-კარს,, და უპირებენ დამარხვას ენას ჩვენსას. დაღაბრულ დაწყევლილი იქნეს ხსენება პისი ვინც ჩვენი ენის წაშლაზე იცნებობს. კურთხეულ იქნეს ანბანი ჩვენი, ენა ჩვენი, მამული ჩვენი და ერი ჩვენი. — აწ და მარადის უკუნითი უკუნისამდე! — ამინ.

Handwritten signatures and text:
[Signature] და მარადის უკუნითი უკუნისამდე!
[Signature] — ამინ.
[Signature] და მარადის უკუნითი უკუნისამდე!
[Signature] — ამინ.

26 მაისი პარიზში

20 მაისი ნათელი და სანუკვარი დღე, წელს პარიზში ქართველობამ შემდეგნაირად აღნიშნა:

ხუთშაბათს 26 მაისს 1983 წელს სრულ 18 საათზე ქართველ მხედართა სახელით „ეტუალი“ - ს სატრიუმფო თაღში დაკრძალულ უცნობ ჯარისკაცის საფლავზე, ქართულ ეროვნულ, და ქართველ მხედართა დროშებით, მიიტანეს ცოცხალი ყვავილების ქართული ფერებით შემკული გვირგვინი. დგება ღუმლის წუთი. სათვისტომოს თავმჯდომარე სპეციალური ხმლის შეხებით, რომელიც მას გადასცა საპატიო ყარაულში მდგარმა ფრანგმა ოფიცერმა ააგიზგიზა მარადიული ცეცხლის ალი. გაისმა სამგლოვიარო მუსიკის ჰანგები, და იმ წუთებში ყველა ქართველი სამარადეჰო დიდებას უძღვნა. საქართველოს დამოუკიდებლობისათვის დაღუპულ გმირებს.

იმავე საღამოს მამა ილიან წმიდა ნინოს ეკლესიაში გადაიხადა პარაკლისი ამ დიადი დღის აღსანიშნავათ და წარმოსთქვა დიდად ღრმა შინაარსიანი ჭადაგება.

ოთხ ივნისს კი, „შიოს გალერი“ - ს დიდ დარბაზში მოეწყო 26 მაისის სანახსოვრო საღამო, სადაც შესანიშნავი სიტყვით გამოვიდა სათვისტომოს თავმჯდომარე ბატონი თამაზ ნასყიდაშვილი, (დაბადებული პარიზში), რომელმაც ჯერ მშობლიურ ენაზე მიულოცა ქართულ საზოგადოებას დიდი 26 მაისის დღესასწაული, გამოსთქვა სრული რწმენა, რომ საქართველო კვლავ იქნება თავისუფალი და ყამთა სვლა ვერ აღმოფხვრის თავისუფლების სურვილსო. შემდეგ ფრანგულად ვრცლად გადაუშალა დამსწრეთ ჩვენი ტანჯული ქვეყნის ისტორიის ფურცლები; ხაზი გაუსვა საზოგადოთ, რუსეთი როგორ უხეშად არღვევს მის მიერ დადებულ ხელშეკრულებებს, მოიხსენია გიორგიევსკის ხელშეკრების ფეხქვეშ გათელვა; შემდეგ დამოუკიდებელ საქართველოსთან, და მასზე მუხანათური თავდასხმა, დაპყრობა, ფიზიკური განადგურება და ტანჯვა ჩვენი ქვეყნისა. როგორც ძველი შეფის რუსეთის, ისევე დღეს ხალხთა შეგობრობის ნიღაბის ქვეშ, რუსეთის იმპერიის მიზანი რჩება უცვლელი, გარუსება; გარუსება დაპყრობილი ერების, მათი შერწყმა, და შექმნა რუსული ყაიდის საბჭოთა ადამიანის, სადაც იმეფებს ენა რუსული ზნეჩვეულება რუსული. მათი სურვილია; განადგურების ზღვაში შთანთქოს ჩვენი ქვეყანა, და საქართველოს სიცოცხლე.

ჩვენი წინაპრები ღირსეულად, გმირულად იბრძოდენ ჩვენც ვიბრძვით აღსავსენი იმედით ჩვენი ქვეყნის დიდებისა, მიწაწყლისა და კულტურისა. საქართველო ნიუხედავად ამ მრისხანე დღეებისა, კვლავ აღსდგება, და 26 მაისი მთელი თავისი სიძლიერით კვლავ გამოიბრწყინდება თავისუფალ საქართველოს სპეტაკ ცაზეო.

მგრძნობიარე სიტყვით მიმართა ქართველობას მამა ილიან. მოსალოცი სიტყვები წარმოსთქვეს უკრაინის და უნგრეთის ემიგრაციის წარმომადგენლებმა; სიტყვების შემდეგ პოეტმა გიორგი ყიფიანმა წარმოსთქვა მისი ცნობილი ლექსი „პოეტის ფიცი“. შემდეგ ბატონმა გი-

ორგი წერეთელმა, „თ. ტ.“-ის რედაქტორ - გამომცემელ-
მა გრძნობით წარმოსთქვა გ. ლეონიძის ლექსი. აგრეთ-
ვე შესანიშნავ ქართულ კაბით შემოსილმა, სრულიად
ახალგაზრდა, სალომე კობახიძის ასულმა განსაკუთრე-
ბული მიმზიდველობით წარმოსთქვა ქართული ლექსი.

არტიტულ პროგრამაში შედიოდა ქართული სიმღე-
რები, ოთარ პატარიძის ხელმძღვანელობით. უცხოეთში
დაბადებულ - დავაჟაკებულმა, ქართულ ჩოხებში გა-
მოწყობილმა, ახალგაზრდებმა, რონლებიც მოკრძაღე
ბით გამოვიდნენ სცენაზე დიდი გემოვნებით და სიყვა-
რულით შეასრულეს მათი პაპათა; სიმღერები. მათ არა
მარტო უსმენდე არამედ აუცილებლად უნდა უყურებ-
დე, რომ უფრო მეტად განიცადო მათი და ჩვენი სამშო-
ბლოს სიყვარული. დასასრულს მომზიბლავი სილამა-
ზით დ. დავრიშაშვილის სრულიად ახალგაზრდა ასულ-
მა მშვენიერ ტანოვანმა, საუცხოო ტენიკით იცეკვა
„კინტაური“ რამაც გამოიწვია საზოგადოების აღფრთ-
ოვანება და ხანგრძლივი ტაში.

შემდეგ გაიმართა ტრადიციული ბუფეტი.

დ ა მ ს წ რ ე .

— : —

ს ო შ ო ლ ა ნ

სოშოს ქართულმა სათვისტომომ 26 მაისის დღესას-
წაული იზეიმა 28 მაისს. სხდომა გახსნა სათვისტომოს
თავმჯდომარემ ბატონმა გრიგოლ ქვარცხავან, რომელ-
მაც მოკლე შინაარსიან, გრძნობით აღსავსე სიტყვაში
ილაპარაკა 26 მაისის ისტორიულ მნიშვნელობაზე.

ზეიმს დაესწრენ პარიზიდან კოლონიის თავმჯდომა-
რე თამაზ ნასყიდაშვილი, ვ. ხომერიკი და გ. ბოლქვაძე,
რომლებმაც ცალცალკე წარმოსთქვეს გრძნობებით სავ-
სე პატრიოტული სიტყვები. ზეიმს ესწრებოდნენ კოლო-
ნიის ყველა წევრები და აქ დაბადებული ახალგაზრდები
ოჯახობითა და შვილებით.



გამართული ნადიმის თამადად იქნა არჩეული, ბატონი თამაზ ნასყიდაშვილი. პარიზიდან ჩამოსულ პირთა სადღეგრძელოებმა დიდი აღფრთოვანება და ტაშის ცენა გამოიწვია. ზეიმის დამთავრების შემდეგ დამსწრებნი გაემართნენ სოშოს ძმათა სასაფლაოზე მონბელიარში მათი ხსოვნის პატივსაცემად.

სოშოს ქართული კოლონიის გამგეობა.




მიწვევის ბარათი მიღებული მუსულმან ქართველთა: სოფელ ჰეირიეს, (თურქეთი) ტურისტთა კლუბის გახსნის ზეიმზე.

სოფელ ჰეირიეს ტურიზტთა კლუბი. ინეგოლ ქალაქ—ბურსა. თურქეთი.

ძვირფასო ვიქტორ ზომერიკი! 15 7 1983 წ. პარაკეს საათის 15:00 სოფელ ჰეირიეს იწყება კულტურის სახლის გახსნის ზეიმი. ჩვენი სურვილია დაესწროთ ამ მნიშვნელოვან დღეს.

პატივისცემით **ი. ო. მელაშვილი.**

- გახსნის პროგრამა: 1. გახსნის წარმოთქმა; 2. კლუბის თემჯდომარის წარმოთქმა; 3. შაირები; 4. სტუმრებთა წარმოთქმა; 5. ფოლკლორ: ა. ყმაწვილთა გუნდი; ბ. მოზრ დილთა გუნდი; გ. მოხუცთა ვოკალური გუნდი.
 6. სპორტიული და სამხიარულო სკპეკტაკლი.



მესამე დასი - მესამე გზა

ამ სახელწოდებით გამოაქვეყნა შრომა ჩვენმა ამხანაგმა კარლო ინასარიძემ, ქალაქ მიუნხენში. ეს მეტად საინტერესო, დასაბუთებული, და ღრმა შინაარსის უნიკალური ნამუშევარია, რომელიც დღის სიცხადით გულ და-

თუქველი ქართველი იქნება, რომ არ მიესალმოს, მიუ-
ლოცოს და განოუცხადოს ავტორს მადლობა მისი შრო-
მისათვის.

ამ წიგნში თავმოყრილი აქტები, და ფაქტები საგუ-
ლისხმიეროა ჩვენთვის, იმ ამბების მომსწრეთა, მონაწი-
ლეთათვის რაღა იქნება, რაღა ითქმის იქ, საქართველო-
ლოში, საბჭოთა გაცრუებულ - გაყალბებულ ლიტერატუ-
რით გულშემოყრილ თაობებისათვის. თუ არა გამამხნე-
ვებელი.

სიმონ ბლიაძე.

„ჩვენი დროის“ სარედაქციო კოლეგიას

პატივცემულო რედაქტორო, გთხოვთ რომ ეს ჩენი გა-
ნცხადება მრმითავსოთ თქვენი გაზეთის უახლოეს ნომე-
რში:

ბატონმა ალექსანდრე სულხანიშვილმა და აწვანსვენებუ-
ლმა ხადურაშვილმა ჩემი წიგნიდან ამოიღეს, ჩენი ურთი
ერთობის შესახებ განსვენებულ ქ. ჩოლოყაშვილთან.
ამახინჯებენ რა: სინამდვილეს, შემოძლია გულწრფელად
განვაცხადო, რომ ჩემ წიგნში დაწერილი ებიზოდი სრუ-
ლიად სიმართლეა და ფაქტების დასამტკიცებლად გან-
სვენებულის წერილებიც ხელთ მაქვს, რომლის გამოქ-
ვეყნება ჯერჯერობით საჭიროდ არ მიმაჩნია და ჩვენს
ახლო ურთიერთობას მის მიერ ჩემდამი მოძღვნილ სურ-
ათის წარწერაც ნათლად ამტკიცებს, რომელიც მან მე
ქადმომცა გარდაცვალების რამდენიმე ხნის წინ.

პატივისცემით ვ. ჩუპინიძე.

განცხადება

ამ უქანსკენლ ხანებში, ქართულ ემიგრაციაში ვრ-
ცელდება ბროშურები, რომელიც თავდება: „ქართული
თვითგამოცემის სერიიდან . . . საქართველოს დედაქა-
ლაქი არის ტფილისი“.



საქ. სოც. დემ. პარტიის ბიურო კატეგორიულად აცხადებს, არც მას და არც საქ. დემ. პარტიის პარიზის ორგანიზაციას, არავითარი კავშირი არა აქვს, არც იმ პირთან, ან პირებთან ვინც ამ ბროშურებს ბეჭდავს და ავრცელებს, სოც. დემოკრატიული პარტიის საზ. გარეთელ ბიუროს დასამალი არაფერი არა აქვს, და თუ მას რაიმეს გამოქვეყნება უნდა, იმას გამბედაობაც აქვს ხელი მოაწეროს, რადგან „რასაც ვაკეთებთ მისი არც გვემინია და არც ვგრცხვენია“

საქ. დ. პარტიის საზღვარგარეთელი ბიურო-



სამგლოვიარო

უცხოეთში გაახრილ ცივ სამარეს, კმუნ-ვით შეპყრობილნი, 'ვაბარებთ ჩვენ ძვირფას თანამემამულეებს.

გულის ტკივილით ვაქვეყნებთ მათ სახელებს, და უცხადებთ გულწრფელ სამძიძარს მათ ნათესაეებს, და მეგობრებს.

ირინე ანთაძისა, ილია ჯაბაძისა, აკაკი ჩიხლაძე, ირაკლი მანთეშაშვილი, ირაკლი მჭედლიშვილი, მარიამ ზალდასტანიშვილისა, გიორგი თოხაძე, რეი ზურაბიშვილისა, ჯოჯოშა გეგეჭკორი, გიორგი ყაველაშვილი, მამაშვილი მიხეილ და დიკა კეღია, საშა კარგარათელი, ბორის მიმინოშვილი, ანა ქაველაყაძე, ნიკო ყურულაშვილი, იასონ მამულაიშვილი, კ. მაჭარხძე.

„ჩ. დ.“

ნელო (ელენე) მდივნის წმინდა ხსოვნას

ნელო (ელენე) მდივნის წმინდა ხსოვნას

ამა წლის 6 აპრილს ლევილის სიმშვიდის სამარეში, სამარადისოდ ჩავასვენეთ დიდი ქალბატონი ნელი, რომელმაც ყოველ ჩვენთაგანს დაგვიტოვა თვალზე ცრემლი და გულში იარა. მის ძვირფას შვილებს, შვილის-შვილებს, და მისი სიძის ხსოვნაში კი წაუშლელ სპეტაკ

სეეტად აღიმართება მისი უკვდავი ხსოვნა. ის ჩუმად მივა მის შვილებთან, ჩამოუჯდება სათუმალთან და მათ სიყვარულით მიეალერსება.

ქალბატონი ნელი იყო სასიქადულო მეუღლე დიდი მამულიშვილის, გამოჩენილი პოლიტიკური მოღვაწის სიმონ მდივანის, რომელმაც სამშობლოს უანგარო სიყვარული ნათლად ჩაუნერგა არა მარტო მის ოჯახს, არამედ ყველა ჩვენგანს.

კეთილო მონაო ღვთისა თქვენთვის სამარე ცივი მიწა კი არ არის, არამედ ყველას, დიხ ყველას ნათელი და მზურვალე გულია!

საუკუნო იქნეს ხსენება თქვენი.

ლ. ფ.

მიხეილ (მიზა) ხუხდაძის კეთილ ხსოვნას

ვაგლახ ბედშავო ქართულო ემიგრაციაე, შენს ოჯახს კიდევ ერთი ღვაწლნოსილი წევრი გამოაკლდა. მიზა იყო უმაღლესი განათლების, რწმენით სოციალდემოკრატი, ის იყო მშვიდი და დარბაისელი ქართველი, უყვარდა სამართლიანობა და ადამიანის ღირსეული პატივისცემა. კალამი მადლიანი შემეკობილი, მდიდარი აზრით, შინააარსით და ფართე პორიზონტით. ემიგრაციაში მან შეიქმნა კარგი პირადი მდგომარეობა, მაგრამ არ დაივიწყა უფრო ძლიერი, უფრო მტკიცე, უფრო უსათუთესი განძეული: სამშობლო, დედამამის კერა, და დედა ენა.

პირადმა კეთილდღეობამ არ დაგავიწყა არც მხარე შენი და არც კერა შენი. საუკუნო იყოს ხსენება შენი!

მეგობარი — პარიზი 1988 წ.

საქართველოს სოც. დემ. პარტიის ბიუროს

გთხოვთ მიიღოთ ჩემი გულწრფელი მწუხარება და სამძიმარი თქვენი პარტიის წარჩინებული წევრის და საქართველოს დიდი მამულიშვილის (და დიდი ადამიანის მიხეილ ხუნდაძის გარდაცვალების გამო.)

ღრმა პატივისცემით გიორგი ნაკაშიძე.



ილიკო სალუქვაძე დაიბადა 1897წ. 15 იანვარს, ილიას ძმის რაჟდენის სამშობლოს თავისუფლებისათვის თავდადების ეპიზოდები კარგად აქვს აღწერილი ვლასა მგელაძეს, ხოლო ილიას და მისი ძმის საგმირო ბრძოლებზე საკმაოდ მეტყველობდნენ მაჟინდელი ჟურნალ-გაზეთები ორივენი იყვნენ განუყრელნი თანამშრომლები ვალოდია გოგუაძის ჯავშნოსანი მატარებლის, რომლებიც ინაწილებდნენ ყოველგვარ სიმძიმეს დამოუკიდებელ საქართველოს თავდასაცავად. დიდია მათი წვლილი ვალოდია გოგუაძის საამაყო და საარაკო ბრძოლების დროს, რის გამო ეგგენი გეგეჰკორმა საქართველოს პარლამენტში ვალოდია გოგუაძე პირველ ეროვნულ გმირად განაცხადდა, მათ მიიღეს მონაწილეობა მდინარე ჩოლოხზედ თურქების შემოტევის უკუსაგდებად, რითაც საქართველოს ისტორიაში ერთი ბრწყინვალე ფურცელი ჩაიწერა. ბევრმა არ იცის რომ ამ ბრძოლებს ესწრებოდა ყველაგან პატივცემული, ახალი ჯვარდაწერილი ნამეტია გოგუაძისა. ილია იყო დის შვილი ალექსანდრე ლომთათიძისა, რომელიც მიჰყვებოდა თავდავიწყებით ბიძიას გზას.

საქართველოს გასაბჭოებისას ის შევიდა ადმინისტრაციაში, რაც მას აძლევდა საშუალებას დახმარებოდა მრავალ ტანჯულ ჩვენს პატრიოტებს, მაგრამ როდესაც გაიგეს რომ ის იყო იქ შეფარებული, იძულებული შეიქნა გაქცეულიყო და გაეფრთხილებია მესაიდუმლები ვალოდია დოლიძე და აკაკი ვადაჰკორია. თვითონ კი გადმოიხიზნა საფრანგეთში, სადაც დაიწყო მუშაობა „პეუოს“ ქარხანაში. საქართველოში კი ბოლშევიკებმა მისი და ჩემი ოჯახი დააქციეს, ცოლმა თავი მოიკლა, ხოლო შვილები მეზობლებმა დაწარდეს. საფრანგეთში მან ჯვარი დაიწერა იშვიათ პატიოსან შრომის მოყვარე, ლანაზ და სათნო ადამიანზედ გამოზარდეს განათლებული და მშობლების მოსიყვარულე შვილები, რომლებიც ამშვენებენ სოშოს ქართულ კოლონიას. მე მისი მეგობარი, ავადმყოფობისა გამო მის დასაფ-



ლაგებას ვერ დავესწარი, რაც სულიერად მტანჯავს, მაგრამ სულითა და გულით ვიზიარებ მისი ოჯახის მწუხარებას.

პრ. ინწკირველი.

ბაზორკა ამილახვარი

გმირული დაღუპვის 40 წლის თავი.

1982 წლის 21 ოქტომბერია, ქართულ ეკლესიაში უჩვეულო ხალხ - მრავლობაა. პანაშვიდს უხდიან 40 წლის წინად, ერიტრეას დიდ გადამწყვეტ ბრძოლებში გმირულად დაღუპულ ლეიტენანტ კოლონელ ბაზურკა ამილახვარს, რომელიც დაეცა საფრანგეთის თავისუფლებისათვის აფრიკის ნცხუნვარე უდაბნოში.

ეკლესიაში მოვიდნენ მის საპატივემულოდ მისი ფრონტის მებრძოლი აფიცრები, და ჯარისკაცები, მრჩენილები უცხოელთა ლეგიონის წარმომადგენლები, დროშით და საპატიო ყარაულით, რომლის გვერდში იყო შავი არშიით მორთული ჩვენი ეროვნული დროშა. ამ დღეისთვის სწორუპოვარი ვახლავდათ უდროოდ გულგანგინიერი, მისი ჯარისკაცებისათვის უაღრესათ პატივითა და უსაყვარლესი გმირი ბაზორკა.

გენერალ დეგოლმ ის დიდი პატივით და დიდებით მოიხსენია თავის მოგონებებში, ცნობილ გენერალ კატრუმ მისდამი მიძღვნილ სპეციალურ წერილში, ის აიყვანა უსაზღვრო საპატიო მხედართა მწვერვალზე, და დასძინს „მი ნაჰ ვთხოვე მიელო საფრანგეთის ქვეშევრდომობა, მან მოკლეთ და ცივად მიპასუხა: მე ვარ ქართველი, ვრჩები სიკვდილამდე ქართველი, მაგრამ გაძლივთ სიტყვას, სიტყვას გაუტეხელს, ოფიცრისას, რომ საფრანგეთს უყოყნანოდ შევწირავ ჩემ სიცოცხლესო“ დიან მან თავგანწირულად იბრძოლა და შესწირა თავისი სიცოცხლე მის მეორე სამშობლოს. მან მოგვცა ერთგულების, ვაჟკაცობის, და რაინდული სულის შესანიშნავი მაგალითი. მისი ვაჟკაცობა, ემბლემადავით სიმბოლოსავით შერწყმული მოვალეობის, გმირობის, და მიცემული წმიდა ქართული სიტყვის გაუტეხელობით.

საუკუნო იქნება ხსენება მისი.

1882 - 1982

მეოცე საუკუნის პირველ ნახევარში, სომეხ მოღვაწეთა შორის განსაკუთრებული საპატიო ადგილი უჭირავს ა. ჯაგალიანს. მან განათლება გერმანიაში მიიღო დამთავრდა ბერლინის უნივერსიტეტის ეკონომიური ფაკულტეტი, უნივერსიტეტის დამთავრებისთანავე გერმანიაში ჩამოაყალიბა და დაარსა დაშნაკთა პარტია. 1912 წელს ჩამოდის თბილისში და ირჩევენ თბილისის სომეხთა ნაციონალურ ბიუროს წევრად.

1918 წ. ის წევრია იმ დელეგაციის, რომელიც გაიგზავნა ქალ. ერზიადში თურქებთან მოსალაპარაკებლათ რათა შესწყდეს სომეხთა ხოცვა და ჟლეტვა. 1918წ. ივნისში დამოუკიდებელ სომხეთის ელჩათ ინიშნება. თბილისში მან დიდი დადებითი მუშაობა გასწია სომეხ ქართველთა მორიგებაში კონფლიქტის დროს.

სომხეთის გასაბჭოების შემდეგ ის პარიზში სახლდება, დიდი მომხრეა კავკასიის ერთა კავშირის, უპირატესობას აძლევდა ყოველთვის საქართველოს, და სომხეთის დაახლოებას, ღრმად სწამდა, რომ ორი მოძმე ერის დაახლოება მოუტანდა კავკასიაში მცხოვრებ ერებს დიდ ნივთიერ კეთილდღეობას, და სამხედრო ძლიერებას. 1936 წელს პარიზში საქ. ეროვნული მთავრობის წარმომადგენელ აწ განსვენებულ დავით ვაჩნაძესთან ერთად აარსებენ ქართველ - სომეხთა ერთობის ორგანოს, ის ბოლომდის დარჩა ერთგული ამ იდეის.

ვინც იცნობდა ამ დიდ მიმზიდველ - მომხიბლველ პიროვნებას, გამოიჩენილ პოლიტიკურ მოღვაწეს, ჩვენი ქვეყნის გულწრფელ მეგობარს მას არასოდეს არ დაივიწყებდა.

„ჩვენი დროა“

ჩვენი ფონდი.

„ჩვენი - დროშა“ - ს რედექტია უღრმეს მადლოლას უცხადებს, ყველას ვისი კეთილშობილობით, და მეოხეობით ჟურნალი განაგრძობს არსებობას:

კ. მაჭავარიანი - 200ფ. პავლე ვაშაძე 200ფ. ჯაფარიძე ი, 200ფ. შ. ბერეჟიანი 50ფ. რ. გოგიტიძე 50ფ, ნათ უორდანი 500. მარინა უორდანი 100. ს. ბლიაძე 800. სერგო დონდუა 800; ეთერი ფალავა 200; გ. ყიფიანი 100; თათრახან ანთაძე 100. კ. აღშიზაია 50. ასმ. ფალავასი 400ფ. აკ. შავგულძე 200ფ. გრიშა წერეთელი 200ფ აკაკი გამსახურდია 50ფ. გიორგი ნაკაშიძე 457ფ. ლევან ფალავა 520. ვალიკო ჩუბინიძე 200. ვანო ბედელაძა 100. გერასიმე ბოლქვაძე 500ფ შოთა აბაშიძე 200ფ. ვალი კვაცხავა 100ფ. გაბი სალუქვაძისა 100ფ. პოლ. ზედგენიძე 100. გიორგი დუიშვილი 100. ქალბატონი ბარნოვი 150ფ. ლუბა აბდუშელისა 500ფ. გრიგოლ ბარამიძე 100, დავით ვაშაძე 150ფ. გივი გაბლიანი 85ფ. ისიდორე გაჟონი 50⁰დოლარი. ტერეზ ჟერმიონ⁰ 100ფ კარლო ინასარიძე 200 ფ. მამია ბერიშვილი 200 ფ.

1982 წლის შემოსავალ - ვასავალ ანგარიშების შემდეგ ამ ჟურნალის გამოსაცემად სალაროში დარჩა 6507ფ.

სარევიზიო კომისია - 10 — 12 — 83წ.

R-902